


BAHEBERU,

KHAOLO EA BOSUPA ¹

 ... bosiu, le ho utloa Joyce a bina. Na le tsebile oo ke mohlolo ka boona? Ngoanana e monyenyanane eo, ebe ntho eo a ka e nahana joang? 'Me bosiu bo bong le bo bong o na le e ncha. Ebe ntho eo eohle a ka e nahana joang, ruri kelellonyana eo ke motla-o-tutsoe. Morena a hlohonolofatse ngoana eo.

² Joale, hosane, ka mashome a mararo ka morao ho hora ea bobeli, re mane tlung ea lepato e Charlestown, Indiana. Moratuoa oa rōna, khaitseli ea iketseng, Khaitseli Colvin, re tla mo hlompha khetlo la ho qetela, mono ho—mono tlung ea lepato le lebitleng, hosane thapama. Ea kileng a phela joaleka lona bosiu bona, 'me o tšetse o ile mose ho lesira leo le uena u tla ea ho lona ka mohla o mong. 'Me bohle ba ratang ho ea tšebeletsong, khele, le amohetsoe. Ruri e tla ba thuso e khōlō ho ba lelapa la Colvin, ho tseba ho re tabernakele ena mona, moo ba tsamaileng nako e telele hakana, le lintho tse joalo, e a rata. Re tla thabela boteng ba lona. 'Me ke nahana e... Moena McKinney oa rōna ea ratehang, ea kileng a tsamaisa lepato la moena oa ka, lilemo tse ngata tse fetileng, seabo sa hae ke sa sehloho lepatong, 'me ke kopiloe ho tla mo thusa mono ka—mono ka litsebeletso tsa lepato.

³ Joale, ke batla ke siiloe ke nako, bosiu bona. Ke maphathe a toebe ea lithako, ha ke tsebe nka ea kae. Mehala e mengata, ke mabapi le likotsi tsena le ho thulana, 'me batho ba letsa, ba kena. E bile, ke sa tsoa tloha Louisville, nakoana e fetileng, ho tla koano ka potlako, ke siile mehala e potlakileng e sa ntse e lokela ho arajoa, kea kholoa, le joale, bosiu bona. 'Me joale le re rapelle re sa tsamaea joalo.

⁴ 'Me hoseng hona ke—ke ha kea finyella thero ea ka—ka, ho khaolo ea 7 ea Buka ea—ea—ea Baheberu. 'Me e re re sa e phetla, bosiu bona, ke batla ho etsa litsebisano mabapi le kopano ea Moena Graham Snelling, holimo mono tenteng, koug ea Brigham Avenue. Ha Morena a ratile, ke tla be ke khutlile Laboraro bosiu. Teng re tla hlophisa bosiu re ete re le moifo, neng-neng vekeng ena, ho etela Moena Graham kopanong. 'Me oa a...o re, "Letšoele la hae le letle." 'Me—'me o tla ananela ketelo ea rōna, ka thuso ena. Moena Graham Snelling, mang le mang ea etelang kopano eo, kapa a lakatsa joalo, ke koug ea Brigham Avenue holimo mona. Mang le mang a ka u bolella moo e leng teng. Hantle ntlheng ea lebala la lipapali, tente e hlonngoe moo. O tla ananela

tšebelisano ea lona. Hobane, re le tabernakele re hlabile selekane sa ho sebelisana le eëna, lipheresente tse lekholo, re mpa re leka ho thusa.

⁵ Joale, hape re tla fihla kapele mono, ha Morena a ratile, khaolong ea 11 ea Beheberu, masiung a 'maloa, ha Molimo o ratile, ke kholoa re tla hle re ithabele mono hape.

⁶ Oh, Morena o hlile a re hlohonolofatsa ka mohlolo hoseng hona, ka moo A re tšetseng ka Moea oa Hae! 'Me joale, bosiuung bona, re Mo lebeletse ho boela a etsa hoo; le Laboraro bosiu, le ho tsoella. 'Me—'me masiu ao ke leng sieo, Moena Neville o tla fihla a e nke hantle, haeba ke tsoile.

⁷ Ha nke ke tseba seo ke tlang ho se etsa, u ka ba mona horeng ena, ebe hora e 'ngoe u biletsoa California. Ua bona, ha u tsebe moo Morena a tla romela teng. Ke ka baka leo ke thatafalloang ho rala maeto a re tlalehang re tla—re tla etsa *hore-le-hore*. Nka simolla ntho, ebe Morena o nkisa nqa e 'ngoe. Ua bona? Ka hona ha re tsebe seo A tlang ho se etsa. "Empa ha Morena a ratile," re itsalo. Kea kholoa re romiloe, kapa re laetsoe joalo, ka hara Bibe, "Ha Morena a ratile, re tla etsa *hore-le-hore*." Haeba re sa khone ho phethisa litaetso tseo re . . . kapa ra phethisa litaetso, re utloa ekaba Morena ea sa rateng ha e etsahala.

⁸ Letsatsi le leng, keha re tšoasehile, 'na le Moena Roberson le Moena Woods. 'Me ra ipotsa, "Hobaneng?" Keha ke lutse mono, ke shebile 'mapa, re theoha hantle, eaba re khanna limaele tse mashome a mahlano hantle tseleng ke khutlela leboea. 'Me esale ke tsamaea 'mila oo ke sa lilemo tse leshome le metso e mene. 'Me ka ipotsa ka moo ke khonneng. Keha re eme mono, boraro ba rōna. Bohle re haotse mebilakholo eohle. Keha re shebile 'mapa hantle, re tšoere oa 130, re feta hara Illinois, eaba re kheloha ho se hokae, re sa eelloe hoba letsatsi le ka sekotlong sa rōna sebakeng sa ka pel'a rōna. Re ea leboea sebakeng sa boroa. 'Me ntho ea pele u a tseba, ra tšela tsela, ka re, "Ena ha se tsela e nēpahetseng." Ka sheba tlase mane, ka fumana, re fapohile tsela ka limaele tse mashome a mahlano. Ho khutlela hantle morao . . . ? . . .

⁹ Eaba re a khutla, re—re ntse re qoqa. Ka re, "Lea tseba ke'ng? Re . . . Ekaba Morena o re faposelitse nqa ena, ho re thibela kotsi kae tlase mane, ho ka be ho hlahile ho hong. Rea tseba lintho tsohle li sebetsa molemo ho ba ratang Morena. Ke phetho seo re tlamehang ho se hopola kelellong ea rōna."

¹⁰ Joale, bosiuung bona, re qala thuto e nyenyane. 'Me haeba ke . . . Ha ke khloe re tla theoha, re ka khona bosiuung bona, ho . . . Ena ke khaolo e khōlō e rutang kereke, ka karolo ea leshome. 'Me eo ke temana e khōlō, re ka qeta liveke le liveke ho eona, ka ntho e le 'ngoe eo feela, ka moo Abrahamana a ntšeliseng Melkisedeke karolo ea leshome, le hore na ebe e bohlokoa.

11 Na ebe fene ena e lematsa motho morao mono? Re mpe re e time? Haeba e lematsa motho, e ba butšoela sefahleho, fene efe feela. Haeba e etsa joalo, le phahamise matsoho a lona feela. 'Me, kapa le rome ashara, romang motho ho moena mona, o tla e tima. 'Na kea e phema; kea futhumala kea fufuleloa, ebe, ntho ea pele ua tseba, ke—ke se ke chele lentsoe. Ka hona, ho ho lona, 'na e ke ke ea ntlhopho. Re le batla le lutse ka boiketlo joale.

Re ke ke ra leka ho le tšoarella halelele, empa re tla sheba Lentsoe ka kotloloho. Le pele re etsa hoo, ha re bueng le mongoli nakoana feela.

12 Joale, Ntate oa rōna oa Leholimo, ha re tsebe seo re se boloketsoeng. Re mpa re tseba ho le hong, re bile re khotsoe, hoba re beetsoe lintho tse molemo ka pel'a rōna. Hoba ho ngoliloe, "Leihlo ha le eso bone, le tsebe ha eso utloe, le lipelō tsa batho ha li eso fihleloe, ke seo Molimo o se boloketseng bona, ba O ratang."

13 'Me re U rapela ho bula lifesetere tsa Leholimo bosiueng bona, ka tlung ea Hao ea sesiu, le ho re abela Lentsoe la Hao, e tle e be ntho e molemo, ntho e tla tootisa tumelo ea rōna joaloka Bakreste, le ho re tsetela ho feta—feta Evangeling, ho feta mohla re ne re kena. Aba sena, Ntate. Moea o Halalelang o nke Lentsoe la Molimo 'me o Le romelle pelō ka 'ngoe ho latela tlhoko ea rōna. Re rapela, ka Lebitso la Jesu, Mora oa Hao ea ratoang. Amen.

14 Joale, hoseng hona, re tlohela temana ea ho qetela ea khaolo ea 6, re tle re fetele hantle ho ea 7.

Moo Jesu a keneng ke ka baka la rōna, e le moetelli oa rōna, ha a beoa moprista e moholo ka ho sa feleng, ka mokhoa oa Melkisedeke.

15 Joale re tla bala litemana tse tharo tse qalang, kapa litemana tse peli tsa pele, kapa litemana tse tharo tsa pele, ke rialo, tsa khaolo ea 7, re tle re thakhohe hantle.

Ke Melkisedeke eo, morena oa Saleme, le moprista oa Molimo o moholoholo, ea neng a ee ho khahlanyetsa Abrahama mohla a neng a tsoa qhala marena, a ba a mo hlohonolofatsa;

Ke eena eo Abrahama a bileng a mo abela karolo ea leshome ea tsohle, (ke boo boshome ba lona); eo mabitso a hae ha a fetoloa la pele le reng Morena oa ho loka, . . . bobeli le re Morena oa Saleme, e leng ho re, Morena oa khotso;

Ea se nang ntatae le 'mae, ea se nang leloko, . . . le qaleho. . . leha e le qaleho ea litšiu, le qetello ea bophelo; empa e le ea entsoeng ea tšoanang le Mora Molimo; e ea 'ne e sa le e le moprista ka ho sa feleng.

16 Polelo e khabane ha kakang! Joale re tlamaha ho khutlela Testamenteng ea Khale, ho cheka litsi tse khōlō tsena. Me, oh, ke li rata joang!

17 U a tseba, ka ntle koana Arizona, re ne re tloetse ho khoahlapisa. Re ne re kena setšeng se nèpahetseng, 'na le Mongh. Mc Anally. 'Me re shebe tulo e kang, ka hara likoti, moo dreini e nyenyane, seo ba se bitsang “mahlatsoetsa.” Ebe ke... O ne a ntheola a re ke hohle lehlabathe le “whiu,” ke le bulula. Ke boele ke hohle le “whiu,” ke e bulule. Ka ipotsa lebaka la hae ho etsa hoo. Ka fumana hobane, u a bona, ha u bulula lehlabathe, le chatsi. Tsohle, esita le loto, li chatsi ho feta gauta. Gauta e boima ho feta loto. Ka hona ha u bulula, limetale tse ling tsohle le lehlabathe le lerōle li a fefoha, empa gauta e sala fatše. Ka hona, haeba u fumana mahlatsoetsa a tsoang holimo *mona*, hoo ho supa motaka oa gauta o le teng holimo koana. Pula e hoholetse likaqana tsena tlase. Ebe re lata lipeke le tsohle, re cheke leralla, ha ho ka etsoa, ho leka ho fumana gauta ena. Ho chekoa mekoti fatše, ho e cheka e tsoela ka ntle. Ho hlakolea dinamite, e phatlolang. Ho luloa ho chekoa lichafo, ho chekoa ho ntse ho tejoa, ho sibolla mohlohi ona oa sehloho. Joale, hoo re ho bitsa “khoahlapisa.”

18 Le bosiuang bona re leka ho tšoara Lentsoe la Molimo, re Le sebelisa ka matla a Moea o Halalelang, ho bulula ho se tsotelle le lipelaelo ho rōna, linthoana tseo tsohle tse chatsi tse lehoete li se na motheo, li le chatsi maphelong a rōna, re batla ho li bululela hole koana re tle re rue Mohlohi ona o khanyang. Mohlohi oo ke Krete.

19 Joale Molimo o re thuse re sa bala re khoahlapisa Lentsoe la Hae. Ntho ea ho qetela, likhaolong tse tharo tse fetileng, koana, re buile re utloetse, hang ka nako, ka Melkisedeke.

20 Joale, ke nahana Pauluse a e fetolela ka nèpo.

Ke Melkisedeke eo, morena oa Saleme, . . .

“Morena oa Saleme.” Moithuti ofe oa Bibe le o tseba Saleme oa mehleng . . . Jerusalema oa mehleng o kile a bitsoa “Saleme.” 'Me E ne e le Morena oa Jerusalema. Mo beeng leihlo.

. . . le moprista oa Molimo o moholoholo, (ke 'muelli eo), ea neng a ee ho khahlanyetsa Abrahamama . . .

Ke batla ho tšoarana le lesika la Hae, Monna e moholo enoa, le tle le Mo tsebe na ke mang, pele, ke hona u tla . . . re tla tsoelapele ka pale ena.

. . . mohla a neng a tsoa qhala marena, a ba a mo hlohonolofatsa;

Ke . . . eo Abrahamama a bileng a mo abela karolo ea leshome . . . eo mabitso a hae ha a fetoloa . . . pele le reng Morena oa ho loka, . . .

Joale le shebe, “Ho loka.” Joale, re fumana ho loka ho lekisoang, re fumana ho loka ha tumelo e lekisoang, re fumana ho loka ho khopameng, mefuta eohle. Empa ruri ho loka ha mannete ho hong feela, 'me ho loka hoo ho tsoa ho Molimo. 'Me Monna enoa e ne e le Morena oa ho loka. Ebe E ne e le mang?

²¹ Joale, E ne e le Morena oa ho loka, Morena oa Jerusalema, Morena oa ho loka, Morena oa khotso. Jesu o bitsitsoe, “Khosana ea khotso.” 'Me khosana ke mora oa morena. Ka hona, Monna enoa e ne e le Morena oa khotso, e tlamehile E be e le Ntata Morena oa khotso. Lea e tšoara? [Phutheho e re, “Amen.”—Mong.]

²² Joale ha re boneng, re sale lesika la Hae morao nakoana, ho bona moo re eang teng.

Ea se nang ntatae, . . .

Joale, Jesu o ne a ena le Ntate. Lea e lumela? [Phutheho e re, “Amen.”—Mong.] Ehlile.

. . . o ne a se na le 'mae, . . .

Jesu o ne a e na le 'mè. Empa Thaka lena le ne le se na ntate leha e le 'mè.

. . . ea se nang leloko, . . .

Ha A ka A tsoa ho mang, ho leloko lefe. E sa le A le teng. “Ea se nang leloko.”

. . . leha e le qaleho ea litšiu, . . .

Ha ho mohla A kileng A qala.

. . . le eona qetello ea bophelo; . . .

E ne e ka ba mang ha e se Molimo. Ke phetho seo E neng e ka ba sona.

²³ Joale, haeba le ka eelloa ha re bala temana e latelang. Ua bona? “La pele, ha le fetoleloa, le re Morena oa ho loka.” Ha se hona moo ke batlang ho sebetsa teng. Ke—ke temana ea 3, “Leha e le qetello ea bophelo.”

. . . empa e le ea entsoeng ea tšoanang le Mora Molimo; . . .

Joale, E ne e se Mora Molimo, hoba, efèla ha E ne e le Mora, O ne a e na le qaleho. Athe Monna enoa ha a ba le qaleho. Efèla ha E ne e le Mora, o ne a tlameha ho ba le ntate le 'mè. “Athe Monna enoa o ne a se na ntate leha e le 'mè. Empa E ne e le ea entsoeng ea tšoanang le Mora oa Molimo.”

. . . e ea 'ne e sa le e le moprista ka ho sa feleng.

²⁴ Joale, Ngk. Scofield o leka ho re, boo, “E ne e le boprista, bo reiloeng, ‘Boprista ba Melkisedeke.’”

Empa ke batla ho le phepetsa metsotso e 'maloa mabapi le hoo. Efèla ha e ne e le boprista, bo tlameha bo be bo bile le qaleho, hape bo ne bo tlameha ho ba le qetello. Empa, “Hona ha ho a ba le

qaleho leha e le qetello.” Hape ha a ipolela a kopane le boprsta. O kopane le Monna, 'me a mo rea lebitso la “Melkisedeke.” E ne e le Motho, e seng bolumeli bo bopiloeng, e ne e se—se—se boprsta kapa bontate. E ne e le Monna oa mannete ea bitsoang Melkisedeke, 'me e ne e le Morena oa Jerusalema. E seng boprsta, empa Morena ea se nang ntatae. Boprsta ha bo na ntate. “Me Monna enoa o ne a se na ntatae, a se nang 'me, a se na qaleho ea litšiu kapa qetello ea bophelo.” Joale, Mora oa Molimo . . .

²⁵ Ebe enoa e ne e le mang, e ne e le Jehova. Enoa e ne e le Molimo o Matlaohle ka Boeèna. E ne e ke ke ea eba e mong o sele.

²⁶ Joale lemohang, “E ea 'ne e sa le e le eèna.” Mona O na le bopaki, bo reng “O a phela. Le ka mohla ha A shoe.” Ha A eso khone. Ha A eso etse letho haese ho phela. “E ea 'ne e sa le e le eèna.”

²⁷ Joale, Jesu o ne a etsoe, ea tšoanang le Eèna. Joale, lebaka la phapang mahareng a Molimo le Jesu: Jesu o ne a e na le qalo; Molimo ha o a ba le qaleho. Melkisedeke ha a ba le qaleho, athe Jesu o ne a e na le qaleho. Empa Jesu o ne a etsoe, ea tšoanang le Eèna. “Moprsta, ea hlongang ka ho sa feleng.”

²⁸ Joale, mohla Melkisedeke a ne a le holima lefatše, e ne e se letho holima lefatše ha e se—se Jehova Molimo ea bonahetseng ka popo, O ne a le mona a tšoana le theofani. Abrahama o kile a kopana le Eèna, ka hare ho tente ea hae. Etsoe re buile hoseng hona, “Abrahama o Mo eleletsoe. Eaba O bolella Abrahama seo A eang ho se etsa, kaha A sa tl'o lesa mojalefa oa lefatše a foufetse nqa tseo A tlang ho li etsa.”

²⁹ Nka khefutsa mona motsotso, ho re, Molimo o sa fuperetse Kereke ea Oona mohopolo oo. Ha le bana ba lefifi. Le bana ba Leseli. 'Me . . . rōna ba . . . “Ho lehlohonolo ba bonolo, hobane ba tla ja lefa le lefatše.” 'Me na ebe Molimo, O sebelitseng ho—ho Abrahama, e neng e tla ba mojalefa oa lefatše. . . 'Me O itse, “Nke ke ka patela monna e tlang ho ba mojalefa oa lefatše lintho tsena.” Ha kakang O tla senolela Kereke ea Hae e tla ja lefa la lefatše liphiri tsa Hae!

³⁰ Daniele o boletse, “Ka letsatsi leo ba tla matha, tsebo e tla eketseha.” O itse, “Ba bohlale ba tla tseba Molimo oa bona, ka letsatsi leo, ba tla hapa likhapo tse khōlō ka letsatsi leo. Empa bakhopo ba ke ke ba tseba Molimo oa Leholimo.” Ba Mo tseba ka sebopelohle ka moetlo, ka moo thuto ea rōna ea pejana e buileng, empa ha ba Mo tsebe ka mokhoa oa phetheho.

³¹ Athe Molimo o ka sebetsa ka phetheho feela, kaha O Phethehile. Ho bokoe Lebitso la Hae. Molimo tlameha ho sebetsa ka mochoporo o phethehileng, kaha O ke ke oa etsa letho haese ho sebetsa ka phetheho. A ke ke a Iqaphaletsa ka letho. Ke ka hona Jesu a tlileng ho tlosa libe tsa rōna, re tle re phethahatsoe, Molimo o tle o khone ho sebetsa ka Kereke ea Oona. Sephiri se larile hona mono.

Lefatše le foufaletse hona moo. Ke hona moo ba batlang ho le tlaleha, ba re, “Le lahlehetsoe ke kelello ea lona.” Ke hona moo ba batlang ho re, “Ha le tsebe seo le buang ka sona.”

Hobane, “Litaba tsa Morena ke bothoto bohlaeng ba lefatše lena. Empa litaba tsa lefatše ke bora ho molumeli.” Ka hona, u motho ea fapaneng, u phela selikalikoeng se fapaneng. Ha u sa hlole o le oa lefatše lena. U tlohile bophelong bona ho kena Bophelong bo bocha.

³² Ka baka leo, Molimo o senolela, e seng lefatše lena, e seng mosaekholoji, e seng bareri ba rutehileng, empa ba ikokobelitseng pelōng. Bathong ba Oona ba bonolo, O ee o senole liphiri tsa litaba tse khōlō tsa Molimo, ho bona. Le a e bona? [Phutheho e re, “Amen.”—Mong.]

³³ Joale, joale, Abrahamama o ne a tla rua lefatše e le lefa. Lichaba tsohle li ne li tla hlohonolofatsoa ka Peō ea Abrahamama. Eaba Molimo o a theoha 'me oa buisana le eēna, ka sebopeho sa Monna.

Joale, e sa le Molimo o le teng holima lefatše. Molimo ha o eso ho ka o tloha lefatšeng. Holane O ka tlohela lefatše, ha ke tsebe se ka le hlahelang. Empa Molimo e sa le o le teng mona ka sebopeho se itseng. Oh, ho bokoe Lebitso la Oona!

³⁴ O ile oa lula le bana lefeelleng, ba sa tsoa tsoa Egepeta, ka sebopeho sa Leseli. O buile le Abrahamama ka sebopeho sa Monna. O buile le Moshe ka sebopeho sa Monna. O buile le Kereke ka sebopeho sa Monna, Mora oa Oona, Kreste Jesu.

'Me kajeno O bua le Kereke ea Oona, ka Kereke e tlotsitsoeng ea Molimo phelang, ka mafiso a letsopa. “Lona le makala. 'Na ke sefate sa Morara.” Molimo o sa ntse o bua, 'me lefatše le bona Jesu ka moo u Mo hlhisang kateng. Lefatše le khona joalo ho . . . “Lona le liepistole tse ngotsoeng, tse baloang ke batho bohle.” Bophelo ba hao bo paka seo u leng sona.

³⁵ Joale, Abrahamama enoa leetong la hae, a sa tsoa khutla. Re tla khutla re bale taba tsa Hae, nakoaneng feela, Bukeng ea Genese. Khaolong ea 14 ea Genese, kea kholoa ke eona. Oh, ke pale e khabane ha kakang mona! Joale, bohle re tseba Abrahamama, ka moo Molimo o 'mitsitseng naheng ea Kaldea le motseng oa Ure, oa mo laela ho ikarola metsoalleng ea hae.

Molimo ha o bitsa banna le basali, O memela karohano.

³⁶ Joale, ke bona bothata ba likereke kajeno, ha li batle ho ikhetha boreng ba khale ba bol- . . . bomosalumele. Lebaka leo re sa khatheng tema. Re mpa re phalla ka nama, re bile re—re re, “Oh, Jim ke mothaka ea lokileng, leha koana a enoa. Leha a . . . Ke ea le eēna pulung, empa ha ke bapale pulu. Ke—ke—ke tsamaea le eēna moketjana. Ba etsa metlae e litšila, le lintho tseo, leha koana 'na ke sa e etse.”

37 “Tsoa hara bona.” Ke hantle. “Uena u ikarole. U se ame sesila sa bona, ’me Ke tla u amohela,” ho itsoalo ke Morena. “Se sikareng joko e le ’ngoe le ba sa lumelang, ho sikara joko e sa lekaneng.” Le se etse joalo. Le ikarole.

38 Eaba Molimo o memela Abrahamama ho ikarola mofuteng ohle oa habo, le ho tsamaea le Oona. Moena, ka nako tse ling ke ho tlohela kereke. E entse joalo ho Pauluse. O kile a tlameha ho ho tlohela kereke ea hae. Ho bile joalo le ho bongata. Ka linako tse ling ke ho tlohela lelapa. Ka linako tse ling ke ho lahla ntate le ’mè, le ho tēla tsohle. Ha ke re e etsa joalo ka linako tsohle, empa ho joalo ka linako tse ling. E bolela ho amohela hohle ho leng lipakeng tsa hao le Molimo, le ho tsamaea le Oona o le mong. Oh, puसानo e bokoang eo, e monate, u kenela setsoalle se se kakang ha u ikarola ho ntho ea hao, bouena, u ikhetha linthong tsa lefatše le ho balumeli ba nama ba u jang litšeho, le ho itsamaela le Krete a inotši!

39 Ke ha kae ke leboha Molimo! O itse, “Ke tla u nea bontate le bommè lefatšeng lena la joale. Ke tla u nea metsoalle le balekane. ’Me Nke ke ka u tlohela, le joalo nke Ke ka u lahla. Leha lefatše lohle le ka u furalla, Ke tla tsamaea le uena, ho isa qetellong ea tsela.”

40 Ke monyetla oa motonana o bokoang, ho monna ea itetang sefuba ho sala Morena Jesu morao, ho ikhetha balekaneng ba hae bohle ba nama, ho sala Morena morao. Ekare ha motho a sa itsoare ka nēpahalo, a sa itlhahise joaloka Bakreste, a mpa a rata lintho tsa lefatše, molemo ho uena ke ho itsemela mphato e mong hang-hang. Ke hantle. ’Me ekare ha bohle ba sa tsamaee le uena, o teng Ea tšepisitseng ho tsamaea le uena. Eo, ke Morena Jesu ea bokoang, O tla tsamaea le uena.

41 Molimo o boleletse Abrahamama ho, “Ikhethe.” E re ka ha Abrahamama e ne e le lesika la motho, a inkela ntatae, a nka mora oa moenae, motsoalae; bohle ba leketla ho eēna. ’Me Molimo ha o a ka oa mo hlohonolofatsa pele a phethisa seo Molimo o mo laetseng ho se etsa.

42 Ha ke re ha u Mokreste. Taba eo, ha se ho hlohlolla mang bokreste ba hae. Empa nka rialo, ha Molimo a u laetse ho etsa taba, A ke ke a u hlohonolofatsa pele u e etsa. Ke eme sefaleng hona joale ke okametsoe ke ntho tseo. Likopano tsa ka ha lia fihla moo li loketseng, lilemong tse peli tse fetileng. Kahobane ke soabisitse Morena. O ntaetse ho, “Ea Afrika, e ntano ba India.” Ke ena, e ngotsoe hantle mona, ka morao ho Buka ena, hona joale.

43 Eaba manejara o mpitsa, a re, “Tlohela Maforekanere ao. India e malala-a-laotsoe.”

44 Teng Moea o Halalelang oa kopana le ’na, oa re, “U tla ea Afrika ka moo Ke u laetseng.”

45 Eaba ho feta selemo se seng. 'Me limanejara . . . Ke ile ka E lebala. O ile a re, "Re ea India. Litekete li se li fihlile mona."

46 Ka tloha, ke se ke E lebetse ho fihlela ke hata Lisbon. Bosiu bo bong, hoo, ea ka kea shoa. Ka tsoha hoseng ho latelang, ho ea phaposing ea ho tola, ho tola. Oh, keha ke kula hona, ke batla ke sa khone ho ema. Mono, Leseli la lopalla mono ka hara phaposi ea ho tola, ha thoe, "Ke itse Ke u laetse ho 'Ea Afrika, pele."

47 Esale likopano tsa ka li ntse li hlotleha ho tloha mohlang oo. Leha koana ke ile India, teng ha ema halofo ea milione, empa e ne e se ho etsa ka taelo ea Molimo. Ke utloa likopano tsa ka li sa tl'o atleha pele ke khutla hantle ke lokisa taba eo. Ho sa tsotelehe na ke etsa'ng, ke Afrika, pele, hoba u tlameha ho etsa hoo. Lentsoe la Molimo la Bosafeleng le robetse mono, le lutse mono. Ke tsebile hantle ho feta. Empa ke tlameha ho khutla. 'Me ke utloa nako ea ho khasa ke tsoa khaketlaneng selemong se tlang sena e tlile, ka thuso ea Morena.

48 Evangeli ena ea khale, e khanyang esale e hola butle, joaloka sefate sa eike, empa kea kholoa joale nako ea sona ea ho phuthulla makala e fihlile. Ke a O lumela, Molaetsa o moholo ona le ntho e khōlō. Ke lumela Morena a tla re lumella ho boela re sisinya lefatše tlotlisong ea Molimo.

49 U tlameha ho etsa seo Molimo a u laetseng ho se etsa. 'Me eaba Abrahamana o tsoelapele, a nka mofuta oa habo. O ne a ba rata. Boo ke botho feela. Empa haisa-isa, qetellong, ntatae a shoa a ba a mo epela. Eaba o sala le motsaalae, teng ha qhoma liqabang le liphapang. 'Me, ho feleng, Lota a ikhethela eaba o theohela Sodoma. 'Me le elelloe Abrahamana, ha a ka a ngangisana le Lota. O itse, "Re baena. Ha rea tlameha ho pheha khang. Ako phahamise hloho ea hao u ikhethela tsela ea hao. Ha u khetha bochabela, ke tla ea bophirimela. Ha u ea leboea, ke tla ea boroa." Ke ona mokhoa oa Mokreste, ako ithatele ho nea monna e mong khetho e khabane ho feta. Mo nehele eona ka mehla, mo tlohele ho ikhethela.

50 Hoba hobaneng? Abrahamana o etsisitsoe ke'ng joalo? Ka pallo ea Molimo o itsebile e tla ba mojalefa oa ntho eohle, le hona. Amen. Ebile, hape, leha e ka ba tente kapa motlotloana, re tsotella'ng? Ntho eohle ke ea rōna. "Ho lehlohonolo ba bonolo hobane ba tla ja lefa la lefatše." Ntho eohle ke ea rōna. Molimo o itsalo. Ako nee monna khetho e fetisang, ha a batla joalo. Ekaba ke phetho seo a tlang ho se fumana. Empa ntho eohle ke ea hao, majalefa a poloko ka pallo. Ntho eohle ke ea hao.

51 Ka hona, Sara, mosali ea fetisang ka botle naheng, eaba o lutse holimo mono mosikong oa leralla le monna oa hae ka moo ho mo tsoanelang. A le pala, be, ekaba o ne a apera mese e pala ea calico, hore u batla ho e bitsa'ng. Athe, Mof. Lota o ne a apara joaloka ralimilione. Mohatsae e le ramotse. E le moahloli

ea lulang khorong. A ruile tsohle; a etela mekhatlo eohle ea meroko le meketjana ea likarete e neng e riteloa Sodoma le Gomora. Empa Sara a thabela ho phela le molekane oa hae ka ho nyatseha, a mpa a itseba a le thatong ea Molimo, ho feta ho thabela matlotlo a . . . kapa menyaka le matlotlo ka nakoana e seng kae. Ke hantle. Ke mohla Molimo o etang.

⁵² Eaba tsatsi le leng, uena, ruri ha u khetha tsela e phoso, e tla u tšoara tsatsi le leng. U nahana hore u tla itokela. U nahana hore u ntse u tsoella, empa ha ho joalo. Ekare ntho eohle e koahetsoe, empa ha e a koaheloa. Molimo o tseba lintho tsohle. O tseba haeba maipolelo a hao a tiile kapa che. O tseba haeba u hlile u tiile hore u a Mo lumela 'me u pholositsoe, u bile u a Mo amohela, 'me u shoele ka nqa ea lintho tsa lefatše, 'me u phela ka ho Krete. O tseba hoo.

⁵³ Joale, re lemoha Abrahamama, ke le batla le eleletsoe moea ona oa makhonthe. Oh, ntho eohle e bokoang mona ke mohau. Ke le batla le balile le 'na joale ho tloha ka khaolo ea 14 ea Exoda, nakoana feela.

⁵⁴ Joale, ntho ea pele e hlalileng hoba ba fihle mono, Lota a kena khathatsong. Hobaneng? O ne a fapohile thato ea Molimo. 'Me ha u kena khathatsong u le thatong ea Molimo, Molimo o tla u thusa ho tsoa teng. Empa ha u kena khathatsong, u fapohile thato ea Molimo, mokhoa oa ho sebetša o mong feela, khutlela thatong ea Molimo hape.

⁵⁵ Joale, marena kaofela a kile a phutheha, ba lemohile hoba makhulo a tlase mono a nosetsehile hamonate, 'me ba tla theoha feela ba hape Sodoma e monyenyanane enoa, Gomora, ho ikhapela eona. 'Me ba entse hoo. Eitseha ba theoha ba e hapa, ba hapella Lota le bona.

⁵⁶ Joale ke batla le elelloe Moea oa Krete mona ka ho Abrahamama. Joale le elelloe temana ea 14.

Eitse ha Abrahamama a utloa hoba ngoanabo . . . (Lea e tšoara?) . . . ngoanabo o tšoeroe, a phalla le batho ba hae ba hlakisitsoeng, ba makholo a mararo a leshome le metso e robileng meno e 'meli, ba tsoaletsoeng ka tlung ea hae, 'me a ba tebele a ba a fihla Dane.

⁵⁷ Oh, ke mohopolo o bokoang hakakang oa mohau! Abrahamama, mohla ngoanabo, leha koana a oele mohaung, leha koana a le maemong a oeleng; eitseha a utloa hoba lefatše le mo tšoere, le bile le mo hapile la tsamaea le eèna, ho mo fenetha, Abrahamama a tsamaisoa ke Moea oa Krete. A khutla a hlomella banna ba hae bohle ba tsoetsoeng ka tlung ea hae, a ba phallela, a ba a fihla Dane. Athe Dane e moeling oa Palestina koana, "Dane ho fihla Beer-sheba," ho qala ntlheng e 'ngoe ho isa ho e 'ngoe. 'Me ke papiso ea Krete, mohla A ne a bona hoba lefatše le hapile . . . ba oeleng, eaba O phallela sera ho ea fihla qetellong, ho khutlisa moloko o oeleng oa Adama.

58 Ke batla le eelloe temana e latelang, ka moo Moea o buileng ka eèna ka mosa. Ho lokile, temana ea 15 joale.

A khutla le maruo kaofela (kaofela), a ba a khutla le Lota ngoanabo, le maruo a hae, a ba a tla le basali, le batho.

59 Mohla Abrahamama a ne a phallela sera se hapileng ngoanabo, o phalletse a parola naha eohle, ho isa Dane, a ba a khutlisa sohle seo a lahlehetsoeng ke sona tlong.

60 Setšoantšo se setle ha kakang sa Kreste, ea utloileng a le Leholimong hoba re ne re lahlehile a ba a theoha a sala sera morao, ho isa koana liheleng, a ba a hapa meea e lahlehileng a re busetsa a re khutlisetsa sohle seo re neng re se ruile pele ho tlo! Rōna, batloli, re ne re tsoaletsoe ho ba bara ba Molimo, ba khopamisoang ho ba bara ba liabolosi, ba fetoloa, ba sala lintho tsa lefatše morao, ba sitoa, ba matha ka meharo ea Lota, ba rekisa bohola ba bona ba sala lintho tsa lefatše morao. Kreste o ile a theoha. Leha ba oele; Molimo, tšimolohong o tsebile ea tlang ho bolokeha le ea sa tl'o khona, ka hona oa theoha oa phallela sera bophelong bohle, hara lefu, hara paradeise, ho ea kena liheleng. Le ho tsoa koana Khanyeng ho ea fihla liheleng, a ba a hapa e—e matla a lihele, a amoha liabolosi linotlolo, a boela a tsoha, a khutlisetsa lesika la motho, e tle e be bara le barali ba Molimo hape.

61 Le bona Moea o ka ho Abrahamama mono, Moea o Kreste o tlang le eèna?

62 Joale ke batla le lemohe pejana, re sa bala.

Eaba morena oa Sodoma o tsoa ho ea mo khahlanyetsa ha a khutla a se a hlotse morena enoa Kedorlaomere, le marena... a neng... le eèna, teng a mo fihlela lehoatateng la Shave, ke ho re lehoatata la morena.

63 Ba ile ba tsoa. Morena oa Sodoma a khutlisoa. Ngoanabo a khutlisoa. Bana ba khutlisoa. 'Me mona marena a tsoa ho mo khahlanyetsa. Ebile, hape, ke batla ho fihla mona, molaetsa joale. Elang hloko mona.

'Me—'me Melkisedeke, morena oa Saleme (Morena oa Jerusalema, Morena oa khotso) a tliša bohobe le veine: e ne e le eèna moprista oa Molimo o holimolimo.

A mo hlohonolofatsa, a re, Ho hlohonolofatsoe Abrahamama ke Molimo o holimolimo, mong'a maholimo le lefatše:

64 Melkisedeke, Morena oa Saleme, o Iponahalitse le marena a mang. Le boele le lemohe, ntoea e ne e felile, Moea oa Molimo ka ho Abrahamama, e leng oa Kreste, o ne o khutlisitse ngoanabo ea oeleng, oa mo khutlisetsa malulong a hae, ho sohle seo a neng a lahlehetsoe ke sona. O ne a e khutlisitse. Hoba a etse

hoo, A tlisa bohobe le veine, selallo. Na ha le bone Melkisedeke eo e ne e le mang? E ne e le Molimo. A tlisa selallo, ka morao ho ntoa.

⁶⁵ Joale ha re boele re phetle, ho Mattheu 26:26, ka potlako ruri, re bone seo Jesu a se buileng mabapi le hoo. Bukeng ea Mattheu, khaolo ea 26 le temana ea 26 hape, re batla ho bala nakoana mona. Ho lokile, Mattheu 26:26.

Joale Jesu a ea le bona nqalong e bitsoang Golgotha, Golgotha . . . kapa Gethsemane, ke bolela, a rialo ho barutuoana ba hae, Lulang mona, ke sa ea ho rapela koana.

⁶⁶ Kea khohloa ke tsoere Lengolo le phoso. Mattheu, oa mashopeli- . . . temana ea 26 ea khaolo ea 26. Motho ea Le fumaneng, a ka mpalla lona, haeba u—haeba u ka le fumana. Motsotso feela. Papiso e ntle ke ena mona. Ha ke batle ha le ka e fosa. Ke rōna bana. Ke lona, khaitsemi o le fumane.

Ba re ba sa ja, Jesu a nka bohobe, 'me eitse hobane a boke, . . .

E ne e le eng? Ntoa e ne e felile.

. . . a bo ngoatha, a bo nea barutuoana ba hae, a re ho bona, Nkang, 'me le je; hona ke 'mele oa ka.

⁶⁷ Na le bona Melkisedeke eo? Makholo a lilemo pele ho moo, mohlala A neng a khahlanyetsa Abrahamana, hoba ntoana e fete, O tlisitse bohobe le veine. Le mona Jesu o nea barutuoana, ka morao ho ntoana ea Hae e thata, O ba neile bohobe le veine. Shebang. Shebang bokamoso bo Tlang.

A nka le senoelo, a—a leboha, a ba nea sona, a re, Noelang ho sona bohle;

Hobane hona ke mali a ka a selekane se secha, a tšollelang. . . libe le tšoareleng ea libe.

Empa ke re ho lona, Ho qala nakong eona ena ha ke sa tla hloloha ke enoa se behoang ke morara, ho tla be ho fihle tsatsi leo ke tla se noa le lona se nchafetse 'Musong oa Ntate.

⁶⁸ Hajoale re ntoeng. Re phalletse ngoanabo rōna ea oeleng, eo Molimo, pele ho theoa lefatše, o 'moneng oa ba oa mo rerela Bophelong Bosafeleng. 'Me o bofiloe ke setsokotsane sa lintho tsa lefatše. O ka ntle koana lisosaiting le hara lihlopha, eena le mohatsa'e, ba nyolosa-ba-theosa literata, ba tsuba ba enoa ba phela ha bohlasoa, ba leka ho fumana khotso. 'Me Moea oo oa Krete ka ho rōna, ka moo o sebelitseng ho Abrahamana, re ile ra mo phallela. Ka lihlopha tsohle tsa Molimo, Mangeloi a Molimo a larile ka mathoko, re tla hle re khutlise ngoanabo rōna ea oeleng.

⁶⁹ Mohlala ntoana e felileng, re tla boela re kopana le Melkisedeke, ho bokoe Molimo, ea hlohonolofalitseng Abrahamana mono, oa ba oa mo neha lehlohonolo, oa mo nea

bohobe le veine, selallo. Mohla ntoea e felileng, re tla kopana le Eo. Rōna majalefa a pallo ea Abrahamama, re leng majalefa 'moho le Kreste 'Musong, re tla kopana le Eo qetellong ea tsela, re je bohobe le veine, hape, mohla ntoea e felileng.

⁷⁰ Ebe Melkisedeke enoa ke mang? "Ea neng a se na ntate, a se na 'mè, a se na qaleho ea litšiu kapa qetello ea bophelo." O tla boela a fihla Mono ho jesa selallo. Lea e tšoaara? [Phutheho e re, "Amen."—Mong.]

⁷¹ Masiu a mang, ha re emisa, ha re phutheha 'moho ho ja selallo se tsoang matsohong a bareri, taba e re supang re lumela lefung, kepelong, le tsohong ea Morena Jesu, lona—lona lesira leo, 'mele oa Hae oo A neng a siretse ka morao ho ona, Molimo, re se ja, e le papiso, "Re shoele linthong tsa lefatše, re boetse re tsoetsoe bocha ke Moea." Hape re tsamaea le 'Mele oa Kreste, balumeli bohle 'moho.

⁷² Mohla ntoea e khōlō e fetileng, re tla boela re hlaha le Kreste, re tla ja selallo le Eèna 'Musong oa Molimo, ka bocha; re je nama, re boele re noe mali a morara, 'Musong oa Molimo. Oh! Melkisedeke ke eo. E ne e le Eèna.

⁷³ Joale ha re balleng pejana ka Eèna mona, ke temana ea 18.

Melkisedeke morena oa Saleme a tlisa bohobe le veine: . . . (Lea e tšoaara?) . . . E ne e le eèna moprista oa Molimo o holimolimo.

A mo hlohonolofatsa, a re, Hlohonolofatsoe Abrahamama ke Molimo o holimolimo, mong'a maholimo le lefatše:

A mo hlohonolofatsa, . . . A hlohonolofatsa . . .

Ho roko Molimo o holimolimo, ea neetseng lira tsa hao matsohong a hao. Eaba o mo abela karolo ea boshome ea ntho tsohle.

O lefile karolo ea leshome ho Melkisedeke. Abrahamama o Mo neile karolo ea leshome ea likhapo tsohle.

⁷⁴ Joale mona ke batla le lemohe Pauluse ha a tsoelapele mona, ho thea motheo oa thuto e tla latela joale.

Morena oa Sodoma a re ho Abrahamama, 'Nee batho, uena o inkele maruo.

Joale, morena oa Sodoma o itse, "Joale, khutlisa basebeletsi ba ka, uena o inkele maruo."

Empa Abrahamama a araba morena oa Sodoma a re, Ke emisitse letsoho la me ho JEHOVA, Molimo o holimolimo, . . .

El Elyon, "mong'a maholimo le lefatše," mono.

. . . Molimo o holimolimo, mong'a maholimo le lefatše,

Hore leha e le tšoele leha e le qhoele la seeta nke ke ka nka letho, . . .

O ne a sa besa letšolo le leholo le phuthang chelete. A mpa a batlile ngoanabo ea oeleng.

. . . nke ke ka nka letho e leng la hao, u tle u se ke ua re, Ke fumusitse Abrahama:

Haese feela see bahlanka ba se jeleng, le kabelo ea banna ba ileng le 'na, . . .

⁷⁵ Joale, ke batla le elelloe, Abrahama o buile, “Nke ke ke ka nka letho leha e le tšoele leha e le leqhoele la seeta.” A sa loane ntoa, ho fehla chelete e ngata. Ebile lintoa tsa makhonthe ha loano e ka merero ea boitšepo. Lintoa ha li loano e ho fehla chelete. Lintoa li loano a ka—ka sepheo, ka meralo. Batho ba loana lintoa ka meralo. Mohla Abrahama a ne a phalletse Lota, ha a tsoa kaha a itsebile a ka hlola marena a ba a hapa khapo ea bona eohle, o phalletse ka moralo oa ho “pholosa ngoanabo.”

⁷⁶ Le moreri ofe ea tsoang letšolo tlasa pululelo ea Morena oa Leholimo, a ke ke a phallela chelete; leha e le ho hlophisa likereke tse khōlō, a ke ke a tsoela ho susumetsa liphutheho tsa malumeli. O tla tsoela moralo o le mong, ona ke oona, “Ho khutlisa ngoanabo ea oeleng.” Leha a fumana daeme monehelong leha a sa fumane letho, ha e etse phapang ho eëna.

⁷⁷ Ke re, “Lintoa tsa makhonthe lia loano a li bile li hlophisoa ka meralo e seng ka baka la chelete.” ’Me banna le basali ba ngolisang kerekeng ba kena ka hara kereke, ho tuma, kaha ba ha *Joneses* e le maloko mono, kapa ba fetola kereke ea bona ba tsoa kerekeng e nyenyane ho ea kerekeng e khōlō, u e etsa ka morero oa boitšepo o sa tšehetsoang ke moralo o nêpileng. U tlameha ho ikemisetsa ho ema moleng o kapele oa ntoa.

⁷⁸ Ka hara tabernakele ena, mohla lintho li tsamaeang ka lekeke, ’me lona banna le basali le matha le tšelela nqa e ’ngoe, kapa le lare mono ho fihlela Khang eo kapa phapang eo e batalalitsoe, sepha se teng boiphihlelong ba lona. Hantle.

⁷⁹ Mona re ralile tsamaiso. Mona re ralile e—re ralile hlophiso. Kereke ena e theiloe holima meralo ea Bibehe. Ha ho fumanoa motho ea sa etseng hantle, ’me u ba hopola ba se joalo, e-ea bonana le eëna u buisane le eëna. Ha u sa khone ho mo khutlisa, u ka nka moena e mong, a le mong kapa ba le babeli hape. Haeba a sitoa ho khutla, le e bolelle kereke. Ke moo kereke e tlang ho mo lokolla, e se hlole e amana le eëna. Le Jesu o boletse, “Seo le se lokollang lefatšeng, Ke tla se lokolla Leholimong.”

⁸⁰ Lebaka leo le hlheloang ke mathata a makana, ha le latele meralo ea Bibehe. Ka hara kereke ha ho hlaha motho ea sitisang, kapa ntho e tsamaea ka phoso, tšoanelo ea hao ha se ho seba monna eo kapa mosali eo. Tšoanelo ea hao ke ho ea ho monna eo kapa mosali, ho ’molella phoso ea hae. ’Me ha a sa u utloe, nka motho e mong. Ha a sa utloe hoo, kereke e a

mo lokolla. Jesu o itse, “Seo le se lokollang lefatšeng, Ke tla se lokolla Leholimong. Seo le se tlamang lefatšeng, Ke tla se tlama Leholimong.” Ke ao matla a kereke.

⁸¹ Ha se khale mona, moreri ea khabane motsoalle oa ka, ea nang le moshanyana, esale moshanyana eo a tsamaea kereke, kereke ea hae. Eaba o qala a hloaela le ngoanana ea tsubang a bile a noa a itšoere joalo. Moreri a re, “Ehlile, ke taba ea hae.” Motsoalle oa ka e moholo, e le moshanyana ea lokileng. Empa a haptjoa ke mosajana ea itseng; a kile a nyaloa, a na le bana ba ’maloa, monna oa hae a sa phela. A tšaba hore ba tla etsa. . . moshanyana a ka tšoha a mo nyetse. Ka hona, keha moena a katlehile habohloko. ’Me a re ho ’na, “Moena Branham, ke batla u etele *hore-le-hore* enoa e leng moshanyana oa ka. Ke batla u buisane le eèna.”

⁸² Ka re, “Moena. . .” Ka batla ke bitsa lebitso la hae. “U na le tsela e molengoana. U se ke ua roma ’na. Ha moshanyana a sa phele hantle, le kereke e ’mone a etsa phoso, ke tšoanelo ea kereke ho e sebetsa. E sallana le kereke. Kereke e ke e tlohe e ’molelle.”

⁸³ Eaba o nka moena, ba tloha ho ea ’molella. ’Me a halefela moena eo, a ’molella ha a shebana le taba tse mo tlamang, le eèna ho etsa hona hoo. A nka moena e mong, ba babeli hape, batikone ba babeli ba theoha ho bolella moshanyana eo. A hana ho utloa. Ba ntano e bolella kereke. A sitoa ho itlhabisa masiu a ’maloa, ho khutlisetsoa kerekeng hoba sebe sa hae se bolelloe kereke. Eaba, kereke e a mo lokolla.

⁸⁴ Khoeli ho tloha mohlang oo a otloa ke lefu la matšoafo, hommeng ngaka ea re, “Ha a na le monyetla oa ho phela lefatšeng.” Eaba o khasa a khutla. Molimo o tseba mokhoa oa ho e sebetsa.

⁸⁵ Re leka ho e sebetsa ka borōna, “Oh, u tlameha ho rahela *sekete-kete* ka ntle ho kereke. Le tlameha ho etsa *sena, sane*, kapa se *seng*.” Na lona joaloka kereke le phethile kabelo ea lona? Ke moo he. Ke oo mokhoa oa ho ba khutlisa ba ntse ba khasa, ka ho ba nehela liabolosi hang.

⁸⁶ Pauluse o itseng ka monna enoa ea na phela le mohatsa nntatae? Ba ne ba sitoe ho mo khutlisa. Ha thoe, “Le mo nehele liabolosi.” Shebang se hlahileng. Lengolong le hlahlamang la Pauluse, monna enoa keha a otlototsoe. Ehlile. E teng tsela ea Molimo ho sebetsa lintho tsena, hola feela re ka sala meralo ea Hae morao.

⁸⁷ Ha phoso e hlaha ka hara kereke, ha e le hara phutheho, mang le mang ho lona baena. Ha e le lekhotleng la batikone, motikone e mong a sa itšoare, batikone ba bang ba ke ba tle ba tšoare kopano, ho leka ho khutlisa moena, ho ’molella seo a se etsang; kapa e ka bang e mong oa lona maloko, u ka ba mang. Eka khona a e bolelloe. Haeba a hana, le tle le e bolelle molisa. Ebe, o lokolloa kerekeng, ho lona e be mobarebare le

mohetene. Le ntano shebella ha Morena a mo sebetsa. Ua bona, ke mohla a tla ikhopola. Ke mohla a tla khutla a khasa a kena ka hare. Empa re leka ho e sebetsa ka borōna, u a tseba, ho leka ho etsa e . . . sohle ka moo re tlamehang ho se etsa, joale, ha re ke re atleha.

⁸⁸ Joale, Melkisedeke enoa, Morena oa Saleme, Khosana, Moprasta oa Ea Holimolimo, o kopane le Abrahama a ba a mo hlohonolofatsa. A Mo abela karolo ea hae ea leshome, Abrahama o entse hoo. 'Me E ne e le Morena oa Saleme. O tlisitse bohobe le veine, e leng selallo, a li behela Abrahama ka morao ho ntoa, hoba banna ba hapuo e ba khutlisoe.

⁸⁹ Joale, "Lintoa tsohle," ka moo ke bolelang, "li loanoa ka meralo." Joale, ha le loana ka hara kereke, eka khone e be ka moralo o lokileng. U tsoanetse u be u loanela ho loka. 'Me setho sefe sa kereke se tlameha ho etsa hoo. Joale, thuto ena e lebisitsoe ho kereke. Re mona ka morero oo. Mona ke emetse hona hoo. Lentsoe la Molimo le emela hona hoo, le lebisitsoe ho kereke.

⁹⁰ U se lumelle letho ho sitisa kereke. Ha ho le joalo, u molato, mang le mang oa lona. 'Me lona, ka hara likereke tsa lona tse fapaneng, ha phoso e le teng ka hara kereke ea lona, u molato, hoba u mookameli oa kereke eo. Ha se tsoanelo ea molisa. Ha se tsoanelo ea lekhotla la batikone. Ke tsoanelo ea hao, uena motho ka bomong, ho ea ho moena eo ho bona ha u ka ke ua mo khutlisa. Ha ho se joalo, nka ba babeli kapa ba le bararo, le ntano khutla. Ha a sa utloe hoo, e ke e bolelloe kereke. Ebe moo a lokolloang 'Musong oa Molimo, Molimo o itse, "Ekare ha le mo lokolla mona, Ke tla mo lokolla Mona, haeba le fela le setse taolo ena morao." Ebe moo A tlang ho mo sasaletsa ka liabolosi ho hlophisa . . . ho senya nama ea hae. Ke hona mohla a tla khutla. Ke hantle. Ke oo mokhoa oa ho mo khutlisa. Haele ngoana oa Molimo, o tla khutla. Haeba e se eena, khele—khele, o tla tsoelapele, ebe liabolosi o mo isa nqalong ea hae ea Bosafeleng.

⁹¹ Joale, merero ea eona. Haeba u khohlopha motho feela, teng ho fapane. Empa, haeba motho a le molato! Le Lota o ile a tloha a theoha 'me a oa mohaung, leha koana e ne e le Moheberu. O ile a theoha eaba o oa mohaung. O ne a kene kahara mohau, empa a oele ho oona. Eitse ha a etsoa . . . 'Me Lota—Lota o ne a phosositsoe. Le se ke la nahana hoba Lota o ne a sa bolokeha. Ehlile bo. Hobane, eare a sa le tulong e phoso eo, Bible e boletse, ho re, "Libe tsa Sodoma li ne li sotla moea oa hae o lokileng letsatsi ka leng." Joale, nama ea hae e ne e etsa ntho e 'ngoe. Qetello ea hae e bile efe? O lihetsa sekhobo se fetisang. Mosali oa hae o fetohile tšiea ea letsoai. A etsa bana ka barali ba hae. Ka hona, le bona sekhobo seo e se lihetseng, hoba a ne a oele mohaung 'me ha a khona ho ikhutlisa. 'Me Molimo oa tsoanela ho mo tlosa lefatšeng.

⁹² Empa, leha ho le joalo, e ne e le moena ea oeleng, 'me Abrahamama o entse ka bokhoni ba hae bohle ho mo khutlisa hape. 'Me Moea o neng o ahile ka ho Abrahamama, ke Moea oa Kreste o leng kahara kereke kajeno. Ho sa tsotelehe se entsoeng ke moena, u tla etsa ka bokhoni ba hao bohle ho mo khutlisetsa setsoalleng sa Kreste hape. Ho sa tsotelehe seo a se entseng, u tla leka ka thata.

⁹³ Joale, re batla ho boela re elelloa mona, ha re tsoelapele ka thuto ena ea Melkisedeke enoa, Moprista e moholo enoa oa Saleme, le mong'a Maholimo le lefatše. Joale, la pele:

Ea se nang ntatae, le 'mae, ea se nang leloko, leha e le qaleho ea litšiu, le qetelo ea bophelo; empa ea entsoeng ea tšoanang le Mora Molimo; e ea 'ne e sa le e le moprista ka ho sa feleng.

Joale elang hloko. E ne e se Mora Molimo, E ne e le Molimo oa Mora. E ne e se Mora Molimo, Melkisedeke e ne e se eëna, empa E ne e le Ntata Mora Molimo.

⁹⁴ Joale, 'mele ona oa Hae, O ne a o bopile. O sa ka oa tsoaloa ke mosali. Ka baka leo ka 'mele oo o bopiloeng, O ne a ka sitoa. . . Ke 'mele o itseng o bopiloeng ke Eëna, ka Sebele, ho Itšenola.

“Ha ho ea ka bonang Molimo le ka mohla. Molimo ke moea.” Mahlo a nama ha a bone lintho tseo, ha e se ha e ka ba ka sebopeho se kang sa Topallo ea Mollo, kapa seo e neng e le sona, kapa ka sebopeho sa boleng boo ba bo boneng ka pono. Empa eona. . . Molimo o lokela ho Itšenola ka mokhoa o itseng. 'Me Molimo o Itšenotse ho Abrahamama, ka sebopeho sa monna. O Itšenotse ho Moshe, ka sebopeho sa monna. O Itšenotse ho bana ba Iseraele, ka sebopeho sa Topallo ea Mollo. O Itšenotse ho Johanne Mokolobetsi, ka sebopeho sa leeba. U a bona, O Itšenotse ka libopeho tseo.

Mohla A ne a Itšenola ka sebopeho sa Monna, joaleka Morena oa Saleme; oa Jerusalema; e seng Jerusalema oa lefatše, empa Jerusalema oa Leholimo. O Itšenotse ka sebopeho seo. O ne a etsoe “ea tšoanang” le Mora Molimo.

⁹⁵ Joale, Mora Molimo o ne a tlamehe ho tla ka mosali, ho boptjoa mona; ka popelo ea mosali, kaha lefu le tšile ka hona hoo.

⁹⁶ 'Me O ke ke oa tla ka popo ka moo Molimo o entseng tšimolohong. Mohla Molimo o ne o bopa monna tšimolohong, mosali ha a ba le seabo. Molimo o itse, “A ho be joalo,” eaba monna o tsoa lerōleng. O 'mitsitse, mosali a sa ba le seabo sa letho. Empa, mosali, mohlang oo o ne a le ka ho monna.

⁹⁷ Eaba Molimo o ntša mosali lehlakoreng la Adama. Na ho joalo? [Phutheho e re, “Amen.”—Mong.] 'Me eaba mosali o tloha ho ea hlahisa monna ka tsebo ea bong. Mokhoa o le mong oo Molimo o neng o ka sebetsa. . . O ke ke oa tla ka theofani eo. O ke ke oa tla e le Melkisedeke. Oa lokela ho

tla e le monna, 'me oa lokela ho tla ka mosali. "Peō ea hao e tla khoba hlooho ea noha, athe hlooho ea eona e tla U loma serethe." Lea e tsoara? ["Amen."] Molimo o ne o tlameha ho tla ka mosali; etsoe O entse hoo, mohla O ne o ahile 'meleng Oona oa Mora oa Oona, Krete Jesu. "Molimo o ne o le ka ho Krete, o khutlisetsa lefatše ho Oona." 'Me O hlahisitse Mali a Oona ka Sebele e le sehlabelo. Oa nehela bophelo ba Oona, hore ka mokhoa oa lefu, A tle a u pholisetse Bophelong Bosafeleng.

⁹⁸ Eaba Molimo o a tla, 'me Oa etsoa ea "tšoanang" Mora Molimo. Ua bona? E ne e le Monna ea entsoeng ea *kang* Mora Molimo. Joale, E ne e ke ke ea eba Mora Molimo, hobane Monna enoa ke oa Bosafeleng.

⁹⁹ Mora Molimo o ne a ena le tšimoloho, A e na le qetello. A ena le—le nako ea tsoalo ea Hae, A ena le nako ea lefu la Hae. A ena le qalo le qetello. A ena le ntata le 'mè.

¹⁰⁰ Mona enoa o ne a se na ntatae le 'mae, qalo leha e le qetello ea nako. Empa O ne a entsoe, Monna enoa, Melkisedeke, o ne a entsoe ea *kang* Mora Molimo.

¹⁰¹ Joale, Mora Molimo, O ne a fihle lefatšeng, ka mokhoa oa mosali, ka mosali, ka sebopeho sa monna; a ntoo bolaoa, a tsoha eaba o tsoha ka letsatsi la boraro, ho tsohela tokafatso ea rōna, joale O ea 'ne a lule ka mehla. 'Me ha feela 'mele oo o ntse o lutse, le rōna re lutse joalo. 'Me erekaha A tsohile lerōleng, le rōna re tla tsooa ka setšoano sa Hae. Eo ke pale ea Evangeli. Ho bokoe Lebitso la Morena. Ha se Mangeloi, ha se libopuo tse mohlolo, ha se sehlopha sa masiba a phuphuselang, empa e le banna le basali, amen, ba emang ka setšoano sa Hae. E, monghali.

¹⁰² Ke buile khafetsa, ke boela ke e bua nakong ena. E bonahala e tšoaneleha. Ke ne ke kama, meriri e setseng e mehlano kapa e tšeletseng. Mohatsa ka a re, "Billy, u phumuha lefatla."

¹⁰³ Ka re, "Empa ha kea lahlehelo le ke o le mong oa oona."

¹⁰⁴ A re, "Ebe o kae he?"

¹⁰⁵ Ka re, "Mpolelle moo e neng e le teng pele ke e fumana, ke tla u bolella moo e nkemetseng teng." Ke hantle.

¹⁰⁶ Ke ne ke le—le seloani, sebetani. Ke le seqhobane se matla. Ea ka, ha u ka mpepisa kereke ena, nka tsamaea seterateng ke e jere. Ke tla le bolella, ha ke tsoha hoseng ho hong le ho hong joale, kea eelloa ho se ho fetile lilemo tse mashome a mane le ho hong. Ua bona? Ha ke seo nkileng ka ba sona. Ke khathala, tsatsi ka leng. Ke sheba matsoho a ka 'me kea nahana, "Shebang mona. Be, ke monna ea tsotalang." Ke sheba mahetla a ka. Ke ipona ke ekelitse boima haholo. Ke ne ke tlama lebanta la mashopeli-roboli thekeng. Joale ke tlama la mashome a mararo. Ua bona, kea tsotala, kea nona, kea foforeha.

107 E ne e le eng? Ke ja lijo ka tloaelo. Ke phela bohloeki le hantle ho feta ka moo nkileng ka phela, ntho e tsoanang. Empa Molimo o mpaletse nako, 'me ke tlameha ho e amohela. Empa mohopolo o bokoang, ke ho re, ka letsatsi leo, O tla boela a ntsosa. 'Me sohle seo nkileng ka ba sona mohla ke leng mashome a mabeli a metso e mehlano, ke tla ba sona ka mehla. Amen. Ke moo. Botsofali bo ntlhopha ka'ng? Ke tla fenyela liabolosi ka lilemo le ka lilemo, ke tseba sena, kea Mo lumela. Kekeletso ena e nyenyane, ke nthoana e khutsoane, le hona. Leha re ka hlola lilemo tse masho-supu, mashome a supileng, a nako eo re e baletsoeng, hoo—hoo e mpa e le mahlomola le matšoenyeho? Ke'ng? Ana u ka fapanyetsa leaho lena la maloetse ka ntho e khanyang eo koana?

108 Khele, ho bokoe Lebitso la Morena! Ntho e 'ngoe ka hare ho 'na e kopane le Melkisedeke tsatsi le leng, 'me O kentse khotso O bile o 'nehile Bophelo Bosafeleng. 'Me bophelo bona ha bo bolele letho ha e se tabernakele ea ho rera Evangeli. Hona ke ho bua ka botšepahi bohle, ka Bibeletse tse peli tsena tse phethliloeng pel'a ka. Hola Molimo oa ka a qetile ka 'na ho bolela Evangeli, ke sa hlole ke Mo etsetsa letho, bana ba ka ba se ba holile ho iphatela, 'me A batla ho ntlosa hona joale, "Amen," ke phetho. E, monghali.

109 Phapang ke efe haeba ke le mashome a robeli kapa ke le mashome a mabeli? Ke mona ka sepheo se le seng; ho sebeletsa Morena. Ke phetho. Haeba nka bolela Evangeli joaloka hona joale, mohla ke leng mashome a robeli, phapang ke efe haeba ke le mashome a mane kapa mashome a robeli? Banna ba lilemo tse mashome a robeli ba bangata bosiueng bona. 'Me bana ba bangata ba tla shoa, monna oa lilemo tse mashome a robeli o tla phela ho feta mang oa bona. Phapang ke efe? Ke sepheo sa hao, meralo ea hao, 'me re mona ho sebeletsa Morena Jesu. Ke phetho.

110 Ho tseba sena, ho re, "Bophelo bona ke mouoane oo motho a buang ka oona; o neng o le teng, athe ha o sa le eo." Empa haeba re ruile Bophelo Bosafeleng, Molimo o tšepisitse A tla re tsosa hape. 'Me re tla ja selallo le Eèna mohla matsatsi a felileng, e tla re ha A re, "Kena menyakeng ea Morena, e lokiselitsoeng uena e sa le ho theoa lefatše."

111 Hoo ho etsa phapang efe mona, leha re ka rua kapa re sa rua letho? Leha re le bacha kapa re tsofetse, phapang ke efe? Ntho ea sehloho, na u itokisitse ho kopana le Eèna? U a Mo rata na? Na u ka Mo sebeletsa? Na u rekisitse ka lintho tsa lefatše? Na u kopane le Melkisedeke esale mohla nto e neng e fela?

112 Ho bokoe Molimo! Lilemo tse ka bang mashome a mabeli a motso o mong tse fetileng, 'na, ke hebisane le *sena*, *sane*, le se *seng*. Ke sa khone ho etsa qeto ho ba seloani, kapa ho ba mochehi, kapa setsomi, seo ke batlang ho ba sona. Empa ka

kopana le Melkisedeke, 'me eaba O ntjesa selallo, 'me ho tloha mohlantsoe e batalalitsoe ka mehla. Alleluia! Ke tlohile ka ema lehlakoreng la Hae. E sa le ke thabile tseleng. 'Me mohla ke fihla qetellong ea tsela, le lefu le ntjamela sefahlehong, ka moo ke ikutloang joale, nke ke ka le tšaba. Ke tla tsamaea, ke batla ho le atamela pontšeng, ke tseba hona, hore ke tseba Eo ea entseng tšepiso, ke hantle, hore ke Mo tseba ka matla a tsoho ea Hae. Mohla A bitsang hara bafu, ke tla tsoa hara bona. Ke hantle, ho Mo tseba ka matla a tsoho ea Hae. Phapang ke efe, haeba ke tsofetse kapa ke le mocha? Haeba ke le monyenyanane kapa ke le moholo? Haeba ke khotše kapa ke lapile? Haeba ke ena le moo ke robalang kapa ke se na eona?

113 “Linonyana li na le matlo, le liphokojoe li na le mesima, athe Mora motho ha a na moo a samelang hloho ea Hae teng,” empa E ne e le Morena oa Khanya.

114 Re marena le baprista bosiuong bona. Phapang ke efe haeba re ruile kapa re se na letho? Ha feela re ena le Molimo, re fetisa bahloli. Re fetisa bahloli. Re lutse ka pel'a Sefahleho sa Molimo, ka hara setsoalle sa Moea o Halalelang, ho ja selallo sa Semoea se tsoang matsohong a eo Ea pakileng, “Ke na be ke shoeleng, ke boetse kea phela, 'me Ke phela ka mehla le mehla.” Ho lula 'moho libakeng tsa Maholimo ka ho Krete Jesu. Oho ho bokoe Lebitso la Hae le halalelang. Phapang ke efe?

Tente kapa motlotloana, ke tsotella'ng?
Ba nkahele paleisi holimo Koana!
Ea lirubi le litaemane, le silifera le gauta,
Lisiu tsa Hae li tletse, O ruile menono e sa
baloeng.

115 Ke kopane le Eèna tsatsi le leng ke tsoa ntoeng. Ke behile lihlobo tsa ka fatše. Ha ke eso loane ntoea e sa le ho tloha mohlantsoe; ke Eèna ea ntoanelang. Ke phomola tšepisong ea Hae feela, ke tseba sena, ho re ke Mo tseba ka matla a tsoho ea Hae. Ke hona ho etsang taba. Ke hofe hape ho etsang taba?

116 Re ka etsang? Ke mang ea nahanang ho eketsa noko seemong sa hao? U tsotella'ng haeba moriri oa hao u le mangetse, kapa e bang o ena le oona kapa che? Phapang ke efe? Haeba u tsofetse, u pulufetse, mahetla a hao a nyehile, haeba u se joalo, phapang ke efe? Amen. Hona ke hoa nakoana, sebakana, empa Hoo ke hoa ka mehla le mehla. 'Me etlare ha liaeonse tsa nako li thetheha, le mengoaha e thetheha, ha u sa tla fetoha, 'me u tla phela mengoaheng ea Hae ea Bosafeleng e sa khaotseng. Phapang ke efe?

117 Ke thabile ha ke kopane le Eèna. Ke thabile ha A 'nehile selallo, tsatsi le leng, eèna Melkisedeke ea kopaneng le Abrahama a tsoa qhala marena. Ruri. “Molimo oa Leholimo,” e leng *El Elyon*; “KE TENG” e moholo, e seng Ke ne ke le teng; KE TENG, lekhathe la joale. “Eaba O a mo hlohonolofatsa.”

118 Mamelang mona nakoana re sa tsoella, e hore re tle re patahanye thuto ho feta. Joale temana ea 4.

A le ke le lemohe boholo ba eo, . . .

Le 'na kea e nahana, hape. "Ha le ke le nahane boholo ba Monna enoa." O moholo ho feta Mora Molimo. Mora Molimo o ne a e na le ntate le 'mè; Eèna lekhale. Mora Molimo o ne a e na le qaleho ea nako le qetello ea nako; Eèna lekhale. E ne e le Mang? E ne e le Ntate oa Mora. E ne e le Eèna bo.

*. . . le ke le lemohe boholo ba eo, ntata rōna moholo
Abrahama a . . . abetseng karolo ea leshome lintho
tsohle tseo a neng a li hapile.*

119 Joale le mamele ka kelohloko.

*Haele ba bara ba Levi, ba amohelang boprista, ba
na . . . molao oa ho nka karolo ea boshome ea ntho tsa
sechaba, ke ho re, tsa banababo bona, leha ba tsoile le
bona lethekeng la Abrahama:*

120 Joale shebang sena haeba le batla ho bona ho hong.

*Empa ea sa tsoelleng ka lelokong . . . la bona
o nka karolo ea leshome ho Abrahama, 'me o
hlohonolofalitse eo pallo li etselitsoeng eèna.*

121 Abrahama o ne a ruile pallo, 'me Monna enoa o hlohonolofalitse Abrahama eo pallo e etselitsoeng eèna. E ne e le mang? Bara ba Levi ba nehile banababo bona karolo ea leshome kapa . . . Banababo bona ba ba nehile karolo ea leshome. Ba fuoe taelo ea Morena ho nka karolo ea leshome ea lintho tse sebelitsoeng ke banababo bona, ho iphelisa ka tsona, kaha e ne e le boprista. Joale, hoo ho qhela boprista ba Melkisedeke, ka moo le buang ka bona, hantle mono. Ke hantle. Empa Monna enoa . . . Esita le ea neng a etselitsoe pallo, monna e moholo ho fetisa lefatšeng, Abrahama, o ne a kopane le Monna enoa a ba a Mo abela karolo ea leshome. [Sekheo lebanteng—Mong.] O ne a tlamehile ho fetisa ka boholo.

122 Mamelang.

*Athe ha ho motho ea ka hanang ka hohle ha ho thoe
e monyenyanane o ee a hlohonolofatsoe ke e moholo.*

Ruri. Mo shebeng hore Ke Mang.

*'Me mona ba nkang karolo ea leshome ke batho ba
shoang; . . .*

Boo ke boprista ka tsamaiso ea baprasta le bareri, le ba joalo. Banna ba nkang karolo ea leshome, ke ba shoang. Ua bona?

*. . . empa mona ea e nkileng, ke eo ho bolelang hore o
a phela.*

123 Ebe motho a ka amohela karolo ea leshome ka lebaka lefe, haeba a ne a e na le . . . Haeba a eso ho tsoaloe, 'me a ke ke a shoa le ka mohla, 'me a bile teng ho tloha tšimolohong ho isa

qetellong, 'me—'me a eso be le ntatae kapa 'mae leha e le leloko, 'me e le mong'a Maholimo le lefatše le tsohle tse ho lona, ebe lebaka la hae ho nka karolo ea leshome e ka ba lefe? Horeng a ka kopa Abrahamama ho lefa karolo ea leshome? Na le bona ka moo ho lefa karolo ea leshome e leng tšoanelo e thata? Karolo ea leshome e nèpahetse. Ke tlameho ea Mokreste e mong le e mong ho ntša karolo ea leshome. Ke hantle. Ha eso fetoloe.

124 Joale:

'Me ho ka thoe, esita le eèna Levi, ea nkileng karolo ea boshome, o ntšisitsoe eona ka Abrahamama.

125 Joale, oh, nthoana ke ena.

Kahobane o ne a sa le letheheng la ntatae moholo, mohla Melkisedeke a mo khahlanyelitseng.

126 Eng, Levi? Abrahamama e ne e le ntata-ntata-ntatemoholo oa Levi. 'Me Biblele mona e boletse, ho re, "Levi o ntšitse karolo ea leshome a sa le letheheng la Abrahamama." Meloko e mene le pele a fihla lefatšeng, keha a ntse a lefa karolo ea leshome ho Melkisedeke. Ho bokoe Lebitso la Morena!

127 Hape, lona le sa lumeleng boithereho pele ho hlomamiso; 'me mona, meloko e mene le pele Levi a ka tsoa letheheng la Abrahamama, keha a ntse a ntšetsa Melkisedeke karolo ea leshome. Ea ka re ka fumana nako ho e mathisa hara Lengolo.

128 Ha u ka e fetisetsa koana ha re re ho Jeremia 1:4, Molimo o itse, "Ke u tsebile le pele u boptjoa popelong ea 'mao. 'Me Ka u halaletsa ka ba ka u beha moporofeta oa lichaba." Ebe u ka itlaleha u entse'ng? Nka itlaleha ke entse'ng? Ke Molimo o hauhelang. Ke Molimo o re tsebileng le pele ho theoa lefatše.

129 Ha O rate hore mang a ka timela. Ruri ha ho joalo. Empa haeba E le Molimo, O tsebile ea tlang ho bolokeha le ea ke keng a bolokeha, ho seng joalo ha O a tseba letho. Haeba O sa ka oa tseba. . . Haeba o sa tseba ea tla kena Hloibilong, le pele lefatše le botjoo, ekabeba Ha se Molimo. Haeba E le mohlakapeletso, O ne a tla. . . O tsebile letsetse ka leng, ntsintsi ka 'ngoe, nta ka 'ngoe, letjeketjane ka leng, le neng le tla fihla holima lefatše le ka mohla, le pele lefatše le botjoo. Ke hantle. O tsebile lintho tsohle. Le pele ho motheo oa lefatše, O re tsebile. Biblele e boletse, ho itsoe, "O re tsebile oa ba oa re rera pele."

130 A re e batalatseng e feelle. A re khutleleng ho Baefese, khaolo ea 1. Ea 5 khao- . . . Khaolo ea 1 ea Baefese, nakoana feela. Ke batla ho bala nakoana mona, le tle le utloisise kannetse e se ntho eo ke lekang ho le bolella eona. Ke ntho eo Molimo o lekang ho u bolella eona. Ua bona? Joale mamelang sena, ka kelohloko, khaolo ea 1 ea Baefese.

Ke le Pauluse, moapostola oa Jesu Krete ka thato ea Molimo, . . .

Eèna monna ea ngotseng lengolo la Baheberu, o ngola lengolo lena.

. . . ke ngolla bahalaleli. . .

Taba ena ha e lebisoa ho ba sa lumelang, empa e lebisoa ho bahalaleli, bahal- . . . ba halalelitsoeng.

. . . ba Efese, e leng ba lumetseng ho Jesu Kreste ke re:

A le ke le tlietsoe mohau, le khotso, ke Molimo Ntata rōna, le ke Morena Jesu Kreste.

Ho bokoe Molimo Ntata Morena oa rōna Jesu Kreste, o re hlohonolofalitseng ka mahlohonolo oohle a moea maholimong. . .

“Ka moo O . . .” Joale, mamelang ka kelohloko, temana ea 4.

Kamoo o re khethetseng ho eèna kateng ha o ne o eso ho thee lefatše, . . .

Ebe “rōna” mono ke bomang? Kereke.

. . . o re khethile ho eèna (Kreste) kateng ha o ne o eso ho thee, pitikoloho, hore re tle re halalele 'me re hloke sekoli pela oona:

Hobane leratong la oona o ne o re rere pele ho re bea bana ba oona ka Jesu Kreste, ka ketso ea oona e molemo ea boithatelo ba oona,

¹³¹ Hoo ho entsoe ke mang? Molimo ke oona o entseng hoo. Molimo o tsebile e sa le tšimolohong ea tlang ho bolokeha le ea sa tl'o bolokeha. Ruri. O ne o sa rate hore mang a ka timela. Empa ha O a romela Jesu mona feela ho bona haeba u ka—haeba u ka hlabeha, “Be, Jesu oa batho, ke Mo utloela bohloko. Mohlomong nka pholoso ka e amohela.” Che, monghali.

¹³² Molimo o tsebile ea tlang ho khona le esa sa tl'o khona e sa le tšimolohong. Ka baka leo, ha ho le joalo, O tsebile hore ba bang ba tla khona, eaba O romela Jesu ho etsetsa bao O ba tsebileng pele pheko. “Hobane bao O ba tsebileng pele, O ba bitsitse. 'Me bao O ba bitsitseng, O ba behile ba lokileng. 'Me bao O ba behileng ba lokileng, O bile (lekhathe le fetileng) o ba tlotlitse.” Ke moo he.

¹³³ Ka baka leo ha u ipoloke ka bouena, u bolokoa ke mohau oa Molimo. Ha u a ka oa ipholosa, kapa ha u a etsa letho ho tšoaneloa ke pholoso. U bolokehile ka mohau oa Molimo. U bitsitsoe ke mohau oa Molimo. Boitsebelopele ba Molimo bo u tsebile. O u tsebile u tla lula ka kerekeng ena bosiuong bona, ho eso theoe motheo oa lefatše, haeba E le mohlokapheletso. Haeba A se joalo, Eo ha se Molimo. Haeba A tsebile lintho tsohle, E ne e le Molimo. Haeba A sa tseba lintho tsohle, E ne e se Molimo. Haeba E le Molimo o Matlaohle, O ka etsa lintho tsohle. Haeba O sa khone ho etsa lintho tsohle, Ha se Molimo o Matlaohle. Ke moo he.

134 U ka re u entse letho joang? Ha u a etsa letho. Ke lerato la Molimo le mohau nqa ho uena, esita le boteng ba hao mona. Ha u a khona ho etsa letho, Molimo o u bitsitse ka mohau oa Oona; u ile ua mamela, ua utloa, ua amohela.

135 “Be,” u re, “Moena Branham, taba eo ehlile e a e hlephisa.” Ehlile e etsa joalo. U lokolohile. “Be, thaka leo le ka etsa ka boithatelo ba lona.” Ruri bo. Le ’na ke etsa ka boithatelo ba ka kamehla. Empa ha u le Mokreste, ha u batle ho etsa phoso.

136 Ngoanana o teng o lutse motšeo mane bosiuung bona, ke mohatsa ka. Ke mo rata ka sohle se ka ho ’na. ’Me leha ke tseba nka mathaka le mosali e mong ’me ka phomella, ka ea ’molella, ka re, “Meda, ke sitiloe,” le re nka hla ka etsa hoo? Ha ke mo rata ka tšoanelo, nke ke a etsa hoo. Ke hantle.

137 Joale, hola nka re, “Oh, nke ka e etsa. Hobane, ke tla u bolella lebaka. O tla ntlhala, ’me ke na le. . . Oh, ke moreri. Na u a bona e tla etsa’ng? Ba tla ntlosa sefaleng, ha a ka ntlhala. ’Monna ea hlalileng, oh!’ Ke na le bana bararo; nke ke ka e nahana. Empa, moshana, ke. . .” Be, haeba ho le joalo, u sa le tlasa lipehelo tsa molao. Ha kea mo nyala tlasa lipehelo tsa molao. Ha ke mo phelele ka botšephehi tlasa lipehelo tsa molao. Ke hoba ke mo rata. Ha kea tlameha ho etsa letho. Ke e etsa ka boithatelo kahobane e le selekane sa lerato. ’Me le uena u tla etsa joalo, haeba u rata mohatsao.

138 ’Me haeba u rata mohatsao ka mokhoa oo, ka lerato la *phileo*, u tlameha ho etsang ho Krete ka lerato la *agapao*, e leng le matla makhetlo a milione, haeba u hleli u rata Molimo? Haeba ke tseba nka tsoa bosiuung bona ka taoa, haeba ke tseba nka tsoa bosiuung bona ka mathaka ka boitšoarobane ho hlephileng, haeba ke tseba hoo, bosiuung bona; haeba taba eo e kile ea kena pelōng ea ka ho e etsa, eaba ke tloha ho ea e etsa, ke tseba hoba O tla ntšoarela, ke ne ke sa tl’o e etsa. Ke Mo nkela holimo haholo. Kea Mo rata. Ehlile. Ruri.

139 Ka lona lebaka leo ha ke rekisetse bolumeli bofe boiphihlelo ba ka, (che, monghali), ha ho Assemblies of God, ha ho church of God, ha ho Pilgrim Holiness, Methodise, Baptise, Presbeteriene, Katolike. Nke ke ka amohela letho le pepesoang, ho fapanyetsa boiphihlelo bona. Kaha, bo sa tlisoa ke motho. Bo tlisitsoe ke Molimo. Che, monghali. Nke ke ka reka rokon-rola ea Elvis Presley ka boholo ba ka, kapa ka lethathama la Likatokile tsa hae, kapa Cadillac tsa hae, kapa limilione tsa hae tsa didolara, le lintho tseo, a li fumanang khoeli le khoeli. Che, monghali. Kea Mo rata. ’Me haeba ke. . . Haeba ke Mo rata ka mokhoa oo, ke tla lula ke tšepahetse ho Eena. ’Me haeba Molimo o mpitsitse o nkethile, O kentse ho hong ka ho ’na, ’me kea Mo rata.

140 Ke sa hopola Mongh. Isler. Bohle lea mo tseba, bongata ba lona. O kile a tla koano, mosenatoro lebatooeng la Indiana; o

na tle koano, a bapale katara ea hae. Mohla lesea la ka le ne le shoele, le mohatsa ka a shoele, bao bohle ba robetse mono setšeng sa bafu mona. Ka nyoloha ka tsela, ke pepile matsoho a ka, ke lla. Eaba o qhoma a tsoa terakeng ea hae, ea khale, a tla a nkopela ka letsoho la hae, a re, “Billy, ke batla ho u botsa potsa.” Ho re, “Ke u utloile u rera hofihlela u batla u eoa sefaleng. Ka u utloa likoung tsa literata le nthong eohle, u hlabela Krete mokhosi.” Ho re, “Joale O nkile ntatao. O nkile moenao. Oa ba phamola ba babeli, ba shoetse liphakeng tsa hao. O shoetse mono. Mohatsao o shoele, a tsoere letsoho la hao. Le lesea la hao le shoele, u ntse u Mo bitsa ho u thusa. ’Me O u nehile sekotlo sa Hae. U nahana’ng ka Eèna?”

141 Ka re, “Ke Mo rata ka tsohle tse leng ka ho ’na. Leha A ka nkisa lihelong, ke sa ntse ke Mo rata.” O na le toka. Ha ke rialo; lilemo tse mashome a mabeli a metso e tšeletseng li e pakile. Ke hantle.

142 Haeba u Mo rata! Ha se ka tlameho, hoo, “Nke ke ka etsa *sen*a, ’me nke ke ka etsa *sane*.” U Mo rata haholo ho etsa hoo, hobane O u khethile. Ha se uena u Mo khethileng, O u khethile.

143 U itse, “Ke batlile Morena, ka ba ka batla Morena.”

“Ha ho motho ea batlang Molimo.” Ke Molimo, o batlang motho. U ka batla thekolohelo ea Hae, empa Molimo o tlameha ho fetola semelo sa hao le pele u ka Mo batla, hobane, u moetsalibe, u kolobe. Ke hantle.

144 Lona batho ba tsamaeang kereke ’me le iphelela ka boingoliso ba lona, le tsoa mona le etsa eng le eng lefatšeng, ebe le khutla le re, “Yaa, ke setho sa kereke.” Ke taba e hole haholo le ho ba oa Molimo. Ruri. Ha ke. . . Empa, ua bona, ho batho ba etsang tse joalo, u ka bolela. Oh, ke litho tse khabane tsa kereke. Ke ’nete. U ka etsa lintho tseo u le setho sa kereke, empa ha u le Mokreste u ke ke ua li etsa.

145 Mokana ke buile, hoseng hona, “Lekhoaba la khale, haeba moikaketsi a kile a fumanoa, ke lekhoaba.” Ke hantle. Lona le leeba li ne li lutse kahara areka e le ’ngoe, li lutse sehlaheng se le seng. ’Me mohlang oo keha lekhoaba leo la khale le khotsofetse ha le lokolloa, ’me le tsoa ka hara Kereke eo, le tle le itulele ka ntle mane holima setopo sa khale le ntse le “khoa, khoa,” ebe le itjella *sen*a, le be le itjelle pere eane, le itjelle khomo, le eng hape, keha le khotsofetse. Empa eareha Noe a lokolla leeba, keha le sa fumanele bohato ba maoto a lona phomolo. Le ne le fueo tokelo e lekanang ho lula holima phoofolo e shoeleng joaleka lekhoaba, empa litlhaho tse peli keha li fapane. Le leng, e ne e le leeba, le ho qaleng. E ne e le lekhoaba, le ho qaleng.

146 Empa, ha u ka lemoha, lekhoaba la khale le ka tsorama mona holima setopo la ja, halofo ea letsatsi. Leeba le tla itulela tšimong ea koro le je, halofo ea letsatsi. ’Me lekhoaba le ka fofa

la tloha mono la ea ja lijo tsa leeba, haholo ka moo le batlang. Le ka itjella koro e ngata ka moo lekhoaba. . . kapa ka moo leeba le ka khonang. Empa lona, lekhoaba, le ka itjella lijo tsa leeba, empa leeba le ke ke la ja lijo tsa lekhoaba. Ke hantle.

¹⁴⁷ Ka hona, moikaketsi oa khale a ka tla kerekeng, a nyakalla a hlaba litlatse a boka Morena, a itšoare joalo, ebe o tsoa hantle ho ea thabela lintho tsa lefatše. Empa Mokreste ea tsoetsoeng labobeli a ke ke a etsa hoo, hobane lerato la Molimo le mo thibela hoo a sa khoneng ho e etsa.

¹⁴⁸ Ka hona ha u le Mokreste feela ka ho ingolisa le kereke, u tēla *sena* le *sane*, athe takatso e sa u khomaretse, u hloka ho qoelisoa bocha. Ke hantle haholo.

¹⁴⁹ 'Me lona basali ba ka aparang boseberoana boo. . . ba lishoto, pontšeng ea seterata, o ipitsa "molumeli." U molumeli, empa u mohlala o fokolang oa eēna, mohlomong. Holane Kreste a le kahara pelō ea hao, u ne u sa tl'o tlameha ho nahana ka lintho tse kang tseo. Ha ke tsotelle seo basali ba bang ba se etsang, seo banana ba bang ba se etsang, u ne u tla fapana, hobane u rata Kreste haholo.

¹⁵⁰ Ke qoqile le mosali tsatsi le leng, ka tlung, eaba o akha matsoho a hae *tjena*, a re, "Mor. Branham, ke batla ke hlobotse, ka mona ka tlung ea ka. Ke itsamaela hohle."

¹⁵¹ Ka nahana, "Ha u soabe." Ka tlung ea hao, ha ke tsotelle moo u leng teng. Ke hantle. Aparu u be u itšoare sesali, ka moo ho lokelang leleiti. Ha u soabe. Empa u lula u. . . 'Me Bibe e itse, "Ekare ha u rata lintho tseo, lintho tsa lefatše, lerato la Kreste ha le eo ka ho uena." 'Me ha u rata Morena, ka pelō ea hao eohle, ka moea oa hao ohle, ka mohopolo oa hao ohle, o tla hanela linthoana tseo tsa khale tse litšila, tse nyonyehang holima. Ke hantle.

¹⁵² 'Me uena motikone, le lona ba bang, le mathang ka ntle mona seterateng, le thamolotse molala le sheba mosali e mong le e mong oa bao. Ha le soabe; athe le ipitsa "bara ba Molimo." Kea tseba e a tlabola, empa u ka mpa ua tlaboha ho ena le ho cha ka ho sa feleng mono. Ka baka leo ha u etsa lintho tseo. . . Joale, u ka etsang ha mosali a tsamaea seterateng, a apere a sa tlala. Uena, haeba u shebile, u tlamehile ho 'mona, empa u ka thintša hloho ea hao. Bibe e itse, "Ea shebang mosali ho mo lakatsa, o se o mo febile pelōng ea hao."

¹⁵³ Ha nke ke u bolelle, khaitseli moratuo, u tla arabela. Ha ke tsotelle, u ka hloeka sa mohalalitsoe. Ekaba ha u eso etse sebe sa mokhalo oo, sebe sa ho pherehlana boitšoaro, bophelong ba hao. Empa ha u apara joalo, kahlong u tla arabela ho feba le monna ofe le ofe ea u shebang. Bibe e boletse. 'Me u tsamaea o theoha ka seterata, ea molato ke mang, ke monna? Che, monghali. Ke uena. U ipepesitse ka mokhoa oo.

154 Mosali o ruile malulo a maholo. A khethehile, a matle, ke malulo a khabane. Empa eka khona a ipaballe joalo, a baballe phaposi ea hae ka tsoanelo, joaloka 'me, joaloka mosali le ka mokhoa oa bommè. Mokhoa oa bommè ha o pshatleha, mokokotlo oa sechaba sefe le sefe o pshatlehile. 'Me ka lona lebaka leo, kajeno, sechaba sa rōna se senyehile, ka baka la ho pherehlana ha maitšoaro a basali ba rōna. Ke hantle haholo. Ruri. Ke bobolu bo hara rōna, bo pshatlang hoo.

155 U hloka ho kopana le Melkisedeke hang. Amen. E re A—e re A u hlohonolofatse a u nehe veine, bohobe, Bophelo Bosafeleng. U tla bona lintho li fapane. U tla . . . Ho tla fapana. U ke ke ua batla bashanyana ho u fureletsa mololi oa—oa phokojoe, mololi oa phiri, kapa e bang le o bitsang. Ruri lekhale. U tla fapana.

156 U mpoella hore u apara joalo, u tsoela ka ntle mono, ka morero o sele? U re, “Khele, ho pholile.” U sesoasoi. Ha ho a phola. Mahlale a e paka e sa phola. Ke a . . . U arubelitsoe ke takatso, khaitseli. Ha u e lemohe. Ha kea ikemisetsa ho u thonkha, ke mpa ke leka ho u khalema. Basadi ba itsoereng, ba ka hloeka hloeko, leleiti le lenyenyane, a ka tsamaea ka boseberoana boo, seterateng, a sa elelloe seo a se etsang, kahobane moreri ea itseng ea oeleng o tšaba mohatsae a sa tlo lefa karolo ea leshome kahara kereke. Holane a kopane le Melkisedeke, a ka be a sa nahane lintho tseo. O ne a tla bolela Evangeli. Leha eka ba tlabola letlalo la mokokotlo, o tla E bolela, le hona. Ke hantle haholo.

157 U a e etsa, kahobane moea oa takatso o phahame ka ho uena. 'Me lona banna le lesang basali ba lona ho etsa lintho tseo, ke na le tšepo e nyenyane ka bonna ba hae. Ke hantle. Ke hantle. Joale, eo ha se thoholetso, hobane . . . kapa ha ho koptjoe tsoarelo. Hobane, hoo ke 'nete. Monna ea lumelang mosali oa hae ho tsoela seterateng a itsoara joalo, moena, u tšoanetse u be u apere liaparo tsa *hae*. Ke hantle. Uena, khele, ehu!

158 Ha ke re mohatsa ka a ke ke a e etsa. Empa ke tlamehile hore ke be ke fetohile ke khopamisitsoe, ho seo ke leng sona joale, ha nka phela le eëna a ntse a etsa joalo. 'Me ke hantle haholo.

Banana ba ka, ba ka e etsa mohla ba kenang bosaling. Ha ke re ba ke ke ba e etsa. Ha ke tsebe. E itšetlehile mohauing oa Molimo. Kea tšepa ba ke ke. Haeba ba etsa, ba tla tšethema lithapelo tsa ntate ea lokileng. Ba tla tšethema bophelo ba motho ea lekileng ho phela hantle, haeba ba ka e etsa. Ke hantle. Empa ke batla ho phela hantle, ho ruta hantle, ke loke, ke ba eletse hantle. Ha ba etsa hoo, ba tla loana tseleng ea bona e eang lihelong, ho tlola thero ea ka, ho tšethema Krete oa ka, le ho tšethema likhalemelo tsa ka, ke hantle, haeba ba ka e etsa. Ruri. Ke hantle.

159 Ha u soabe. Ha u ka kopana le Kreste le ka mohla, sefahleho le sefahleho, A u hlohonolofatsa, ebe o maneha tiiso eo ea kako pelōng ea hao, batemona bohle liheleng ha ba sa tla u tentša tsona hape. Ke hantle. U fetotsoe ho tloha lefung ho kena Bophelong, 'me litabatabelo tsa hao li tsepame linthong tse holimo e seng linthong tsa lefatše. Amen. Nka mpa ka tlohela temana eo. E a hlohlonțša. Ho lokile. Empa ke 'Nete.

160 Ke hantle, re sa tsoela pejana feela, re ntano koala.

...bara ba Levi,...ba amohelang boshome ba boprīsta, le bona ba na le molao oa ho nka boshome ba ntho tsa sechaba, ke ho re, tsa banababo bona, leha ba tsoile le bona lethekeing la Abrahama:

Empa ea sa baloeng lelokong leo la bona o nkile karolo ea leshome ho Abrahama, 'me o hlohonolofalitse ke eena eo pallo li etselisoeng eena.

Athe motho a ka hana ka hohle ha ho thoe e monyenyanane o ee a hlohonolofatsoe ke e moholo.

'Me mona ba nkang karolo ea leshome ke batho ba shoang; athe mona ea e nkileng, ke eo ho boleloang hore o a phela. 'Me ke...

'Me ho...thoe, esita le eena Levi,...o nkile boshome, o nkile karolo ea leshome, o ntšisitsoe eona ka Abrahama.

Kahobane o ne a sa le lethekeing la ntatae moholo, mohla Melkisedeke a mo khahlanyelitseng.

161 Boitšoaro ba hao—hao nqa Kreste bo na le khahlamelo e khōlō ea ho rala seo bana ba hao ba tlang ho ba sona. Bophelo boo u bo phelang pontšeng ea lelapa la hao bo tla ba le khahlamelo ho rala seo bana ba hao ba tlang ho ba sona. Hobane, Bibe le boletse, ho re, “O tla o tla bana ka baka la bokhopo ba batsoali ba bona ho isa melokong ea boraro le ea bone.”

162 Joale, nakoana e seng kae feela, pele ho koaloa.

'Me joale holane phetheho (phetheho ea lona keo hape) e ne e setse e hlahile ka boprīsta ba Levi, (athe molao o neiloeng sechaba o theiloe holima jona,) ana tšoanelo e ne e sa le efe hore ho fihle...ho ka hlaha moprista e mong ea bitsoang ka mokhoa oa Melkisedeke, e seng ka mokhoa oa Aarone?

163 Molao, motho oa molao, ua bona, “Oh, u tlameha ho etsa sena. Ha u sa etse sena, ha u Mokreste. Ha u sa boloke sabattha! Ha u sa etse...Ha u ka ja nama! Ha u etsa lintho tsena!” Mehopolo ena eohle ea melao. “Me u tlameha ho tsamaea kereke. Ha u sa etse, u lefisoa molato. U tlameha ho etsa novena.” Nyee eo ke lithole. U pholoso a ke mohau oa Molimo, ka boitsebelopele ba Molimo, ka boitherelopele ba Oona. Molimo o bitsitse Abrahama ka boitherelopele, ka

boitsebelopele. O ile oa bitsa. O ne o hloile Esau, 'me o ratile Jakobo, le pele ho tsoaloa ofe oa bona. Ke hantle. Ke—ke boitsebelopele ba Molimo bo tsebang lintho tsena.

164 Ebe moo u reng, “Ha ho le joalo molemo oa thero ea Evangeli ke ofe?”

165 Joale 'na, ke tla le bolella sena. Pauluse o e arabile, kapa Jesu, ke rialo. Jesu ke enoa. O itse, “Muso oa Leholimo o joaleka motho ea tlohileng ho ea mona, e—e letangoaneng kapa lets'eng, eaba o lahlela letlooa kahare. A ntano le hula. Teng ha tsoa, likhulu. A fumana literapine. A fumana linoha. A fumana mekholutsoane. A fumana lihoho. A fumana liokho. A fumana bomofielammila. A fumana—a fumana hlap'i.” Joale, monna eo o mpa a sesefa feela.

166 Le Evangeli e joalo. Ke ena joale, ke ntse ke rera Evangeli. Ke mpa ke lahlela letlooa ka ntle. Ke le hule, ke re, “Bohle ba batlang, mang le mang, a ke a tle.” Ba bang ke bana ba nyoloha, ba e tla aletareng. Bohle ba likanyetsa aletare. Ba rapela. Ba lla. Ha ke tsebe mang ke mang. Ha se taba ea ka eo. Ha kea romeloa ho ahlola.

167 Empa, tse ling ka mono ke lihoho. Tse ling ke mekholutsoane. Tse ling linoha. Tse ling, tsona, ke likhulu. Le hlatsoana e teng. Mosebetsi oa ka ha se ho ahlola. Ke re, “Ntate, ke tsena tseo ke li ntšitseng.”

168 Empa, sehoho e ne e le sehoho, le ho qaleng.

169 Seokho, seokho sa khale se tla itulela mono se ntse se qamaka, nakoana, se phethola mahlohali ao, se qamake, se re, “U a tseba ke'ng? Ke se ke batla ke khathatse ke ntho Ena.” Plop, plop, plop, plop, ke bao ba etsoa.

170 Ho hlahe leleiti la khale la noha, le re, “Be, u a tseba ke'ng? Haeba ba rera ka mokhoa oo, khahlano le ho tena lishoto le lintho, e a nkhitla. Ke tla tsoa hara sehlophsa seo sa bahalaleli ba thethehang. E tsoanetse e be e le bona.” U ne u le noha le ho qaleng. Ke hantle haholo. Yaa.

171 'Me mona ho lutse mohlomphehi seqaqane marokolo, o hlohlile moronono oa sigara molomong, ekare poho ea Texas e ponngoeng lenaka, o tla ema mono a ntse a thalatsa, a re, “Be, ho ntsuba ha ho eso nkahlole. Ke tsoa nthong ena, hona joale.” Be, uena sehoho sa khale, u hona hoo, le ho qaleng. Ke hantle haholo. Ke hantle haholo.

172 Tlhaho ea hao e a u paka. Bophelo ba hao bo a supa, bo halimisa seo u leng sona, le ho qaleng. Ha ho thata ho 'na ho bona seo. Le uena ha u thatafalloe ke ho e bona.

173 Ha nka ea ha Roy Slaughter mona mopolasi ea lutseng mona, ka bona likolobe li lutse qubung ea moiteli, li eja moiteli, nke ke ka nahana hampe. Ke kolobe. Empa ha nka

bona konyana holima qubu eo ea moiteli, nka ipotsa. Uh-huh. Ua bona? U se tšoenyehe, u ke ke ua e fumana mono. Ha e khone ho e mamella. Ke hantle.

¹⁷⁴ 'Me monna ea tsoetsoeng ke Moea oa Molimo o hloile lintho tsa lefatše. Ke hantle, "Hoba ekare ha u rata lefatše kapa lintho tsa lefatše, lerato la Molimo ha le eo ka ho uena."

¹⁷⁵ Holane nka hloaela le basali tsatsi ka leng, ebe ke kena, ke bolella mahatsa ka hoba kea mo rata, o tla ntseba ke etsa leshano. Liketso tsa ka li koahela mantsoe a ka. Ruri. Ke mo paketse hore ha ke mo rate, ha kea tšepahala ho eèna.

¹⁷⁶ Haeba a re ho 'na o a nthata, 'me nako le nako ha ke tsoile, a intša le motho e mong, hoo ho mo paka a sa nthate. Hantle. Liketso tsa hae lia e paka. Ha ke tsotelle ka moo a ka lehang ho mpoella, "Bill, kea u rata, ha ho e mong lefatše ka ntle ho uena," ke tla mo tseba a etsa leshano.

¹⁷⁷ 'Me ha u leka ho re, "Morena, kea U rata," athe u etsa lintho tsa lefatše, Molimo o u tseba e etsa leshano, le ho qaleng. Ka baka leo hobaneng? Ho thusa'ng ho amohela boiphihlelo bo sa tlang, le ntho e kang eo, athe lipakapaka tse khōlō tsa Leholimo li tletse sebele? Hore'ng u batla ho ba Mokreste ea soto, oa maipolelo, oa tsela e sa tlang, ea tloisitsoeng metsi, ea reiloeng eèna? Athe, u ka ba ngoana Molimo oa sebele ea tsoetsoeng labobeli, mangene-ngene a thabo ea Leholimo a ntsa a letsoa pelōng ea hao, ka nyakallo, le ka ho rorisa Molimo, le ka ho phela bophelo ba tlhōlo ka Jesu Krete.

¹⁷⁸ Ha se ho leka ho iketsetsa eona, hoba u tla hloleha, le ho qaleng. Empa nka Eo, Ke Lentsoe la Hae, 'me u phomole holima seo A se boletseng e le 'Nete. Le ho lumela ho Eo, le ho Mo rata, 'me O tla etsa tsohle ho u sebeletsa molemo. Ke eona. Ke oona mopolo.

¹⁷⁹ Morena a le hlohonolofatse. Ha ke batle ho le omanyana, empa, moena, ho omangoa ka nakoana ho molemo. Le bana ba ka. Ua bona? 'Me ruri papa ofe ea ratang bana ba hae o tla ba lokisa, ho seng joalo ha se ntate ea lokileng. Na ho joalo? Ke hantle. 'Me taelo ea papa enoa mona e 'ngoe feela, ebile ke eona taelo ea lelapa. 'Me taelo ea Molimo e 'ngoe feela, eona ke Lentsoe la Oona.

¹⁸⁰ Haeba re lumela Lentsoe la Oona, re tla phela ka Lentsoe la Oona. Ke tšoanelo ea rōna, haeba re kile ra kopana le Molimo. Ha se kahobane u re, "Be, ke tsamaea kereke, 'me ke tlameha ho etsa *senā*." U malimabe. U se ke ua etsa joalo. Hore'ng u batla ho ba malimabe, sekooa, sa lekhoaba le khopo, athe u ka ba leeba? Ruri. U tlameha ho fetola semelo sa hao feela. 'Me u fetola semelo sa hao, ho ba mora le morali oa Molimo, ho ba le khotso ho Molimo.

¹⁸¹ Jesu! "Ka baka leo Jesu le eèna, a tle a halaletse sechaba ka Mali a Hae ka Sebele, o kile a shoela kantle ho menyako," Baheberu 13:12 le 13. Baroma 5:1, "Joale ha re beiloe ba lokileng

ka tumelo,” e seng ka ho tsukutla matsoho, ha se ka kolobetso ea metsi, ha se ka peho ea matsoho, ha se ka ho hlaba litlatse, ha se ka ho bua lipuo, ha se ka tšisimoho ea mofuta. “Joale ha re beiloe ba lokileng ka tumelo, re na le khotso ho Molimo ka Jesu Krete Morena oa rōna.” Re tlohile lefung ho kena Bophelong, re fetohile libopuo tse ncha, hobane re lumetse ho Mora Molimo ea tsoetsoeng a inotši, re Mo amohetse e le ’Moloki oa rōna. ’Me Mali a Hae a sa sebetsa, le bosiueng bona, joaleka pheko ea seba sa rōna, ho ema sebakeng sa rōna.

182 Ka hara Testamente ea Khale, nqalo ea botsoalle e ne e le ’ngoe feela, mono ke tlasa mali. Molumeli ofe le ofe o tlameha ho kena tlasa mali. Eneha ha ho hlajoa sethole se se khunoana, se ne se etsetsoa nyehelo ea sebe. Eka khona e be se se khunoana. Ke khaolo ea 19 ea Exoda, ho mang oa lona ea batlang ho e bala. Se tlameha ho nkuoa, tlhakoana, le tsohle, li chesoe ’moho. ’Me ebe ho etsoa ka sona metsi a karohano. A ntano beoa ka ntle ho menyako. A tlameha ho tšoaroa ke letsoho le hloekileng. Mali a sethole sena a ne a etella...ka pel’a phutheho, a takoe hasupa holima monyako. ’Me joale, mang le mang ea nyolohang a silafetse, o tšoanela ho eelloa ’me a bone mali ao, a eelloe hoba kopano ea botsoalle e tlasa mali ao feela. Ka nêpahalo ke hona moo morapeli a neng a ka rapela semolao, e ne e le tlasa mali.

183 Hape, ntho ea pele e etsoang, le pele a ka kena tlasa mali, o ne a tlameha ho fokoa ka metsi ana a karohano, ebe ho hloekisoa ea sa hloekang.

184 ’Me ba ne ba nka metsi a karohano ba foke monna ea silafetseng ka oona, a arohanngoe le sebe sa hae. A ntano kena tlasa metaka e supileng ena ea mali, a kene kopanong ea setsoalle le barapeli ba bang ka pela Sefahleho sa Molimo.

185 Mokhoa oa ho sebetsa o mong feela. Ha se ka ho tsukutla matsoho, ha se ka ho ingolisa le kereke, ha se ka likolobetso, ha se ka litšisimoho; e mpa e le ka ho tsamaea u kena ka pel’a metsi a karohano, ho beha matsoho a hao, ka tumelo, holima hloho ea Jesu, le ho re, “Ke moetsalibe, ’me U nchoetse. ’Me Ntho e ka ho ’na e re U tla ntšoarela libe tsa ka, ’me ke U amohela joaleka ’Moloki oa ka joale.” Tsamaea u kene tlasa Mali, koana, o kenele kopano ea setsoalle le bana ba Molimo. Ke eona. Eja bohobe, noa veine, ’me u kene kopanong le kereke.

186 Oh, na ha A babatsehe? Na ha A loka? Joale, taba ena e ka u makatsa, motsoalle. Empa ebe—ebe lebaka la ka ho ema mona ke bua lintho tsena ke lefe? Na nka li bua ho iketsa ea fapaneng le motho e mong? Haeba ke etsa, ke hloka ho baka. Ke E bua hoba Molimo o E buile, hoba E le Lentsoe la Molimo. ’Me le mamele. Nako e a tla, le joale e tlile, moo batho ba tla tsoa bochabela le bophrimela, ba ntse ba leka ho fumana Lentsoe la Molimo, ’me ha ba Le fumane.

187 Ha u kena tšebeletsong, ntho ea pele u e etsang, u kena ka mono u fumana sehlopha sa lipuo le likoahollo, le motho ea emang a phetha-phetha Lengolo; 'me eo ke ntho ea nama. Ruri. Molimo o re laetse “ho se sebelise lipheta-pheto tsa mafeelane,” le reng ka Eëna? Haeba A E ngotse hang, u a E lumela. Ha A tlamoha ho E pheta hape. Lipuo le likoahollo li lokile, empa eka khona e be molaetsa o tobileng kereke le motho ea itseng, ha se lintho tsa nama feela tse kang tseo. 'Me le ka ntano tsoelapele ka lintho tsena tsohle tse ling.

188 Tsatsi le leng mona, ho ne ho kene banna ba babeli ka hara. . . e le monna le mohatsae, le monna e mong le mohatsae, ba sa tsoa chata, ba kene tulong, ho ea Afrika ka boromuoa. Eaba motho o ema a porofeta, a bua ka lipuo le ka likoahollo, ho re, “Ba nkelane basali.” Ho re, “Ha e a tšoanela. Ba nyetse motho ea phoso.” 'Me batho ba babeli bao ba ne ba arohane ba boela ba nyala, hape sebeli. Monna a nkile mosali oa e mong, e mong, ka hara bolumeli bo tummeng ba Pentekosta, 'me eba ba ea Afrika ka boromuoa.

189 Moena, ha u etsa kano ea hao, kano eo e u tlamme ho fihlela lefu le u lokolla. Ke hantle haholo. Ruri. Ha u etsa kano ea hao, e a tlama.

190 Ntho eo eohle, lithole! 'Me maemo a fihlile moo e reng ha u u fihla likerekeng, lia bata li tsitsipane li omme, ebile sekala sa moea se theohela ho mashome a mahlano tlasa ntlha ea khoamo. Batho ba itulela mono e ke hlōba ea khemfrutu, ba le bolila ba le monyemo ba le maphutha. 'Me ha u ka utloa motho, koana motšeo khoneng, a korotla “amen,” e nyenyane, hang ka nako, eka e a ba thonkha, bohle ba tla thamolla melala ea bona eka matata, ho qamaka, se hlahleng. Lea tseba hoo ke 'nete. Ha ke soasoe. Ha se sebaka sa mesoaso sena. Eo ke 'Nete. Hantle. Ke e bua hobane e le 'Nete ea Evangeli.

191 Athe ka lehlakoreng le leng, u fumana khahlakhahla ea lithole tsa litšisimoho tsa nama, 'me Lentsoe la 'nete la Molimo u Le utloa tšohanyetso; Evangeli ea masoetso, ea bohare-ba-tsela, Leseli tseleng ea ka, allelua, Mali a Konyana, lerato la Molimo le re arolang linthong tsa lefatše.

192 “Na u buile ka lipuo, moena? Ha u na Oona. Na u hooelitse ho fihlela o hatsela sekotlo? Na u bone likhanare tsa mollo?” Oh, matlakala! Ha ho ntho e kang eo.

193 Na u lumetse ho Morena Jesu Krete oa Mo amohela e le 'Moloki oa hao? Le Moea oa Molimo o pakelana le moea oa lona, hoba le bara le barali ba Molimo. Le bophelo ba hao bo beha tholoana ea lerato, thabo, khotso, mamello, molemo, bonolo, mosa. U tla be u le Mokreste. Ha ho se joalo, ha ke tsotelle seo u se etsang.

Pauluse o itse, “Leha nka nehela 'mele oa ka e le sehlabelo se chesoang. Leha nka tseba liphiri tsa Molimo.

Leha nka suthisa lithaba ka tumelo ea ka. Leha nka bua lipuo tse kang tsa batho le tsa Mangeloi. Ha ke letho.” Le re’ng ka taba eo? Bakorinthe ba Pele 13; fumana haeba E nèpile kapa che.

194 Joale fumana haeba—haeba Bakorinthe, Bakorinthe ba Bobeli 13, ke kholoa e le eona. Kapa, be, e ka be e le Bakorinthe ba Pele kapa ba Bobeli. Bakorinthe ba Pele mono, Bakorinthe ba Pele 13, ke eona. “Leha nka bua lipuo tsa batho le tsa Mangeloi, mofuta o ka koaholloang le o ke keng oa koaholloa, ha ke letho.” Ho tšoenyana le eona ho thusa’ng, ke hona?

195 “Leha nka utloisisa liphiri tsohle tsa Molimo.” Hore’ng u kenela koleshe ea thupello u leka ho thuta hakana? U mpe u lokise litaba le Molimo, pele. Ruri. “Leha ’na, ‘Oh, allelua e bokoang eo!’”

196 Ebile ha u sa fumana phutheho pele u tšoara letšolo la pholiso kapa ho etsoa mehlolo. “Moloko o khopo le o mofebi o batla tse joalo.” Ebe le batla’ng mono?

197 Pauluse o itse a ka etsa tsohle, esita le ho suthisa lithaba, e ntse e se letho. “Athe haele lipuo, li tla lesa ho ba teng. Le eona tsebo, e tla fela. Haele boporofeta, bo tla fela. Empa mohla ho hlhang phetheho, e tla hlola kamehla,” ’me lerato ke phetheho. “Molimo o ratile lefatše, O bile oa le nea Mora oa Oona ea tsoetsoeng a inotši.” Ho re, “Mang le mang ea tsukutlehang, mang le mang ea tsokotsehang, mang le mang ea buang, mang le mang ea”? “Hore ea lumelang ho Eèna a se ke a shoa le ka mohla, a mpe a be le Bophelo Bosafeleng.” Bana, le lumele hoo.

198 Ba leka ho e thatafatsa hona, lintho *tsena* le lintho *tsane*. Athe, qetello ea tsona ke ntho e le ngoe: tumelo ea hao ho Molimo. Ke eona. Ke eona e buang. “Hoba ka tumelo,” e seng ka tšisimoho. “Ka tumelo,” e seng ka maikutlo. “Ka tumelo,” e seng ka boikutlo. “Empa le bolokehile ka tumelo; e leng ka. . .” Kahobane u batlile Morena? Kahobane u le motho ea lokileng? Kahobane, “Molimo, ka mohau, o u tsebile oa ba oa u rerela Bophelo Bosafeleng.”

199 Jesu o itse, “Ha ho ea ka tlang ho ’Na a sa huloa ke Ntate oa Ka pele. ’Me bohle ba tlang ho ’na, Ke tla mo nea Bophelo Bosafeleng. Ha ho ea ka ba utlang letsohong la Ka. Ke ba Ka. Ba bolokehile ka mehla. Ke ba tšoere. Ha ho ea ka ba utlang letsohong la Ntate oa Ka, ’me ke Eèna Ea ’Nehileng bona. Ke limpho tsa lerato ho ’na.”

200 “’Me bohle bao O ba tsebileng pele, O bile o ba bitsitse.” Ha O bitse motho O sa ka oa mo tseba pele. “Bohle bao O ba bitsitseng, O ba behile ba lokileng; bohle bao O ba behileng ba lokileng, O ba tlotlitsitse.” Ka hona, u a bona, re kene phomolong e phethehileng.

201 Joale, ke tseba boramolao ba bangata mona, lipheresente tse mashome a robong le metso e robong tsa lona. Empa, shebang, ha le ka nka Sena 'me la lelloa hoba ha ke leke ho le bolella taba e itseng.

202 Ebe u re, “Be, Moena Branham, esale ke hopotse ke tlameha ho etsa *sena* hape ke tlameha ho etsa *sane*.” Phapang ea eona e kakang—e kakang, moena, seo u tlamehang ho se etsa le seo u batlang ho se etsa. U bolokehile, ha se kahobane u entse letho mabapi le eona. U bolokehile kahobane Molimo a u bolokile pele ho theoa lefatše.

203 Mamelang. Mamelang mona. Bibeletse, ho Tšenolo. Ke tliil’o le nka ho tloha ho ea pele ho isa ho ea ho qetela joale. Bibeletse e boletse, ho Tšenolo, ho itsoe, mohla sebata se tlišeng, se ile sa thetsa bohle holima lefatše. Sebata se entse joalo. “Se ile sa thetsa bohle holima lefatše, bao mabitso a bona a sa kang a ngoloa Bukeng ea Bophelo ea Konyana . . .” E sa le tsoseletso e qala? Na e utloahala hantle? Be, e sa le moreri a rera thero e matla eo? E sa le monna eo a folisoa? “. . . e sa le ho theoa lefatše.”

204 Jesu o hlabilo e kae, mane Kalvari? Che, monghali. Jesu o hlabilo e pele ho theoa lefatše. “Bonang Konyana ea Molimo, e neng e hlajoe pele ho theoa lefatše.” Molimo, tšimolohong, mohla O ne o bona sebe, O bone se neng se etsahetse, Oa bua Lentsoe. 'Me Jesu o hlabilo e pele ho theoa lefatše. 'Me motho mang le mang ea kileng a bolokeha, o ne a bolokehe, ho latela Bibeletse, mohla Konyana e ne e hlajoa mohopolong oa Molimo, pele ho theoa lefatše. U ne u kenyeletsoe polokong mohlang oo. Ebe u ka etsang ka Eona he?

205 Ke Molimo. Ho bokoe Lebitso la Morena! “Ke Molimo o sebetsang; ha se ea batlang kapa ea mathang, empa e le Molimo o hauhelang.”

Efèla ha Jesu a hlabilo e pele ho theoa lefatše, ho nkile lilemo tse likete tse 'ne pele e etsahala ka nèpahalo. Empa mohla Molimo o ne o e bua morao mona, Lentsoe le leng le le leng la Molimo le tiile. Ha le sisinyeha. Ha le sekheege. Ha le hlolehe. 'Me mohla Molimo o ne o hlaba Mora pele ho theoa lefatše, mohlang oo O hlabilo e hakaalo ka ha A hlabilo e mane Kalvari. Ke mosebetsi o phethiloeng, ha Molimo o rialo. 'Me le hopole, mohla Konyana e ne e hlajoa, poloko ea hao e ne e kenyeletsoe ka hara sehlabelo, hobane Bibeletse e boletse mabitso a rōna a ne a “Ngoloe Bukeng ea Bophelo ea Konyana pele ho theoa lefatše.”

Le re'ng ka taba eo? Ebe u ka etsa'ng? Ke Molimo o hauhelang. Ke Molimo o u bitsitseng. Ke Molimo o u khethileng ka ho Kretele pele ho theoa lefatše. Jesu o itse, “Ha se lona—ha se lona le nkethileng. Ke 'Na ea le khethileng. Ke bile ke le tsebile, pele ho theoa lefatše.” Ke moo he.

206 Ka hona, ua bona, hoo ho tlosa tšabo eohle. “Oh, kea ipotsa ebe ke tla tsoarella na? Ke tla phomella, ho bokoe Molimo, ha

nka 'na ka tšoarella.” Ha se hore kea tšoarella na, kapa che. Ke hore na ebe O ile a tšoarella na, kapa che. Ke seo—ke seo O se entseng, ha se ka seo ke se entseng. Ke ka seo O se entseng.

Na ebe hoo ho ne ho fumanoa tlasa molao oa topollo? Ke batla ho bua nthoana ena pele ke koala.

207 Hola sethole sa khale sa pere se ka tsoala moulu? 'Me moulu oo o obusela litsebe tse peli. O pelekane mahlo, mangole a likotoana, o lihora. Mohatla oona o sataletse sebakeng. Ha se le phoofolo e nyarosang eo chalimong ea mahlo! Khele, mang le mang. . . Hola moulu o monyenyanane oo o ka nahana, ho re, “Joale, be butle motsotso. Ha ba tsoa tlung hoseng hona, kea u bolella, ke tliil'o buretsoa hloohoana. Hobane, ba ke ke ba mphepa lijo. Nchebeng ha ke le mobe tjee. Ebile ha ke na le monyetla.”

208 Be, ke hantle. Ha u na monyetla. “Be, ke tsoetsoe lefatšeng lena, empa nchebeng ke mobe joang ho talingoeng. Ka hona ke—ke—ke. . . Ha ke sa tla fumana monyetla. Ha ke sa tla phomella. Nke ke ka phomella.” Ua bona?

209 Empa ho ka thoeng haeba mami oa oona a rupeletsoe molaong? O ne a tla re, “Mora, ke hantle. U hlile u solophane, le ho ja lijo tsa lefatše ha u a tšoanela. Ke hantle. Ha u na tšoanelo. Empa, mora, taba ke ena, u letsibolo la ka. 'Me, u a tseba, u hlahetse tlasa tokelo ea tsoalo. 'Me moprista a ke ke a bona uena. Empa, sebakeng sa lebitso la hao, u tlameha ho emeloa ke konyana e se nang molato e se nang sekoli, e tlameha ho u shoela, uena u tle u phele.”

210 Be, moulu o monyenyanane oo o ka rahaka oa pepa lirethe oa itaha monyakeng. Seo u leng sona ha se etse phapang, hobane moahloli a ke ke a u bona, moprista. Moprista o sheba konyana. E seng moulu; konyana!

211 Le Molimo o sheba Kreste, e seng uena. Ke Kreste. Efèla ha phoso e le sieo ho Eèna, phoso e ka ba teng joang? A ka fumana phoso joang, athe uena u shoela 'me bophelo ba hao bo patiloe ke Molimo ka ho Kreste, u tiisitsoe ka Moea o Halalelang? “Ba tsoetsoeng ke Molimo ha ba etse sebe, hobane a ke ke a etsa sebe.” A ka etsa sebe joang athe o emetsoe ke sehlabelo se phethehileng? Molimo ha o shebe 'na le ka mohla, O sheba Kreste, hobane re ka ho Kreste.

212 Joale, haeba ke rata Kreste, ke tla phela le Eèna. Holane A sa tseba A ka be a sa ntlisa. Efèla ha Molimo o mpholosa kajeno, athe O tseba a tla lahlehelo a ke 'na livekeng tse tšeletseng ho qala kajeno, ekaba O sebetse khahlano le morero oa Oona ka Sebele. Hantle. Ha O tsebe le bokamoso, haeba O mpholositse, ka tsebo. Lebaka la Oona la ho batla ho mpholosa ke lefe, athe O tseba a tla lahlehelo a ke 'na? Molimo ha o etse lintho, o ntano li honyetsa livekeng tse peli, ho boloka tšepiso ea Oona. Haeba A u pholosa, ke ka nako le ka Bosafeleng.

213 Joale, u ka fehloa, ua re, “Oh, e, ho bokoe Molimo! Allelua! Ke buile ka lipuo. Ke hooelelitse. Ke mo fumane. Allelua!” Hoo ha ho re u O fumane. Empa, moena, ha ntho e fihla tlase *mona*, 'me u ankora le Kreste, litholoana tsa Moea li tla u sala morao. Rea paka, meea ea rōna le Moea oa Hae, hore re bara le barali ba Molimo. Le mpe le iphumanele Hoo hleng, metsoalle.

214 Ke tla le tšoarella bosiu bohle mona, ke ntse ke bua ka eona. Kea E rata. Kea le rata. Ke khutlela tabernakeleng e nyenyane ena, nako le nako, ha Molimo o ka baballa bophelo ba ka. Ke batla ho le bona le kentse metso le tsetetsoe Tumelong e halalelang eo. Ha ke batle ho le bona le tsokotsoa, ke moeanyana oa thuto efe le efe e fetang, u le tsukutle, le itšoare joalo, 'me ba kopotse malinyana matsohong a bona, kapa ho hlajoa ke seramenyana sefahlehong, kapa nthoana e itseng, 'me u bona e—e—e maseli a mefuta ka pel'a bona, le nthoana ea—ea boitšepo ba mofuta, ka moo Bibe e boletseng, “Ba ikhohomosa ka pelō, athe ha ba bone letho.” Ke hantle. Ke le batla le theiloe ka ho tiea holima Lentsoe. Haeba E le HO RIALO MORENA, lula le Eona, phela le Eona. Ke eona Urime Thammime ea letsatsi lena. Ke hona Hoo Molimo a u batlang u phela ka hona. Haeba E se Lentsoe, u ka lebala ka eona. Phelela Molimo, phelela Kreste.

215 'Me ha pelō ea hao e qala e rabaraba, u a tseba hoba ntho e etsahetse, khutlela aletareng u re, “Kreste, ako nchafatse 'na . . . thabo ea poloko ea ka. Mphe lerato leo la mehleng. Le ntse le lutla, Morena. Ke entse ho hong. Boela u nkhalaletse, ho ema. Oho Morena, ke sitoa ho etsa letho. Nka sitoa ho tēla *sena* le ho tēla *sane*. Ke shebeletse Uena ho e tlosa ho 'na, Morena, 'me ke a u rata.”

216 Ebe u tloha aletareng eo, u le motho e mocha ka ho Kreste Jesu. Ke moo u sa tl'o tlameha ho itšetleha ka kereke ea hao, ho itšetleha ka moprista oa hao, ho itšetleha ka moruti oa hao. U itšetlehile ka Mali a tšolotsoeng a Morena Jesu. “Le bolokehile ka mohau.”

A re rapeleng.

217 Morena, lithuto tse thata hakana! Nako eo kerekana ena e tlamehang ho ja nama e fihlile, e se hlole eba lebese la Lentsoe. Re se re lutse halelele tlasa lebese joale, ho noesa leseba botlolo ea lona. Empa re tlameha ho nka linama tse thata, kaha letsatsi le ntse le atamela. Linako tse khōlō tse bohloko li atametse, 'me mathata a mangata a larile tseleng. Re bile re tseba ho sa tl'o hlola ho fihla linako tse monate. Rea tseba hoba re pheletsong. Linako li tla 'na li mpefala li bile li mpefala ho fihlela Jesu a khutla, ho latela Mangolo.

218 Re ke ke ra ba tšepisa letho bophelong bona. Empa bophelong bo tlang ho tla, re ka tšepisa Bophelo Bosafeleng

ka Lentsoe la Hao, ha ba ka lumela ho Mora Molimo ba Mo amohela e le pheko ea bona, e le Ea ileng a ema seabakeng sa bona, e le Ea jarileng libe tsa bona. Aba sena joale.

²¹⁹ Bomosalumele ba fetohe balumeli. Ba ipolelisang kereke, mona bosiuung bona, ba ipoletseng borapeli 'me ba phela kahara kereke feela, ba fuoe boiphihlelo 'moho le Molimo; ho tle ho kene lerato le le kakang pelōng ea bona, ba tle ba llele libe tsa bona, ba ichoelle, 'me ba tsoaloe bocha ke Moea o Halalelang, ba be mosa le bonolo, ba be lerato, ba tlale thabo le mahlohonolo. Ba phele bophelo bo tjena, ba fetohe letsoai ho batho ba ba likileng, hoo ba tla nyoreloa ho tšoana le bona. Aba sena, Morena, hoba re se kopa ka Lebitso la Hae.

'Me ka lihlooho tsa rōna tse inamisitsoeng.

²²⁰ Kea ipotsa, bosiuung bona, na e mong a ka ba teng, ea reng, "Moena Branham, hola nka hloella sekala sa Molimo nakong ea joale, lekhale, lekhale, lekhale nke ke ka lekana litšoanelo tseo u buang ka tsona bosiuung bona. Ke batla u nkhopole thapelong, ke tle ke fetole litsela tsa ka, le Molimo o tla kena le ho ntša matlakala ana ka ho 'na le ho mphetola Mokreste oa makhonthé"? Na u ka phamisa letsoho la hao bakeng sa thapelo, ha—ha u batla? Molimo a u hlohonolofatse. Molimo a u hlohonolofatse. Molimo a u hlohonolofatse, ka motšeo. Molimo a u hlohonolofatse. Molimo a u hlohonolofatse, monghali. Molimo a u hlohonolofatse, moena e moholo. Molimo a u hlohonolofatse, khaitsetli.

Ua Halalela, ua Halalela, a Halalela, Morena
Molimo oa makhotla.
Leholimo le lefatše li tletse Uena,
Leholimo le lefatše lia U boka,
Oho Morena ea Holimo.

²²¹ "Ua halalela." Le sa nahanne joale, le rapela, le ikholisitse hoba esale le fositse, le batla ho loka, na u ka phahamisa letsoho la hao, ho re, "Molimo, nketse se ntšoanelang"? Molimo a u hlohonolofatse, mofumahatsana. "Molimo, nketse se ntšoanelang." Molimo a u hlohonolofatse, moena, khaitsetli, uena, uena, uena ka *mona*.

²²² Letsatsi lea shoa. Kea tseba ho thata, metsoalle, empa ho molemo ke ho tseba 'Nete joale. Joale le rapele ka khutso.

Ua Halalela, ua Halalela, ua Halalela,
Morena Molimo . . .

O halalela, a le mong.

. . . li tletse Uena,
Holimo le lefatše lia U boka,
Oho Morena ea Holimo.

²²³ Ntate oa Leholimo, e re letsatsi le sa likela mantsiboea, bomaborokoane ba phutheha lifateng le baratuo ba bona.

Linonyana tsohle li seohela lihlahla tsa tsona. Maeba a fofela holima literata koana, holimo, moo linoaha li ke keng tsa li hlopha nakong ea bosiu. A lula mono a binelana ho fihlela a khaleha. Qetellong letsatsi lea likela.

224 Re tla fihla horeng eo tsatsi le leng. Ho likela ha letsatsi ho tla fihla. Ha ke tsebe neneng, Morena. Empa mona bosiu bona ho lutse batho ba khotsoeng hoba ba ne ba fositse, 'me ba batla ho fihla sebakeng seo. . . Joaleka Lincoln ha a kile a fihlelana le la hae mohla a ne a eshoa, a re, "Phikolosetsang sefahleho sa ka nqa bolikela-tsatsi." Eaba o a qala, "Ntata rōna Ea Maholimong."

225 Joalokaha Moody oa khale a buile, "Na ebe ke lona lefu lee? Lena ke letsatsi la ka la ho roesoa mokhabo."

226 Oho Uena Mohlolehi, ba amohela hona joale, ka tumelo, ba sa lutse mono litulong tsa bona. U kokotile lipelōng tsa bona, mono setulong. Ke eona aletare ea bona. Ena ke nako ea Hao ho ba amohela, hona joale. O boletse, "Ea tlang ho 'Na, Nke ke ka mo lahlela ka ntle."

227 'Me mohla tsatsi le likelang, mosali kapa monna ba eme pel'a bethe, lingaka li ngalile. Oho u a Halalela, u a Halalela, khutso e mosa eo, e monate, pejana letsatsi le likela. Re ka ema ra re:

Tsatsi le likelang le Naleli ea Mantsiboea,
Ha ke bitsoa ke lentsoe le hlakileng;
'Me kahlong ho se utluoe molumaelo
Mohla ke tsoang ho kenella leoatle.

228 Oho Molimo, ba abele eona horeng ena; ba sa shebeletse, ba lebeletse lehlohonolo la Molimo ho theohela holima bona. Tlosa mabifi a bona oohle, lefatše lohle, li falatse ho bona, le ho bopa ka ho bona pelō e ncha. U itse, "Ke tla ntša pelō ea khale, ho kenya pelō ea nama. Ke tla kenya Moea oa Ka pelōng eo, 'me ba tla tsamaea ka likomelo tsa Ka ba boloke melao ea Ka." Hobane, ke molao oa lerato, 'me ha se tsoanelo. Ke oa lerato. 'Me lerato le re susumetsa ho etsa joalo. Ke tsoanelo ea lerato, le re susumetsang. 'Me ke tsoanelo ea rōna ke ho sala lerato morao. 'Me kea rapela, Molimo, hore U tle u e abele pelō e phahamisitseng letsoho la eona bosiu bona.

229 'Me bao ba sa phahamisang letsoho la bona, hona joale, ka mohau, ba phahamise matsoho a bona ho U amohela, le ho tlatsoa ka Moea oa Hao ka bonolo, mosa, khutso, ka boikokobetso; 'me ba ke ba tlatsoe ka mohau, ho tsoa mona e le motho ea fetohileng. Ka moo linonyana li tla bina ka ho fapana, ka moo mang le mang a tla be a fapane, hoba hora ena e fete, oho Morena Ea Holimo.

Ua Halalela, ua Halalela, ua Halalela,
Morena Molimo oa lefatše.
Leholimo le lefatše li tletse Uena,
Leholimo le lefatše lia U boka,
Oho Morena oa Holimo.

²³⁰ Joale ka lihlooho tsa lona tse inameng, lona ba phahamisitseng matsoho a lona ho hopoloa thapelong, na le utloa Molimo o buile le lona ka mokhoa oo, e seng ka tšisimoho, empa ntho e kahare botebong ba hao. U utloa Molimo a u nehile Bophelo Bosafeleng? Na u ikutloa u tla tsoa kerekeng u le motho ea fetohileng bosiuung bona? Na u ka phahamisa matsoho a hao bosiuung bona? Molimo a u hlohonolofatse, mora. Molimo a u hlohonolofatse, moena. Molimo a u hlohonolofatse, khaitsemi. Molimo a u hlohonolofatse. Ke hantle. “Ke tla tsoa kerekeng ena, bosiuung bona, ke le motho e mocha.” Masea a tsoetsoeng bocha ka hara ’Muso oa Molimo.

²³¹ Ho etsahetse’ng? Ke tseba tsamaiso ea ho tla aletareng. Eo ke aletare ea Methodise . . . tsamaiso ea Methodise, ke rialo. E ne e hlongoe ka hara kereke ea Methodise, mehleng ea John Wesley. Ha eso fumanoe litsiung tsa Biblele. “Bongata bo lumetseng bo ne bo ekeletsoa ho Kereke.” U ka lumela hohle moo u leng teng, ka ntle tšimong, ka ntle seterateng, hohle. Hohle, ha e etse phapang ea letho, ha feela u amohela Kreste e le ’Moloki oa hao. Ke ketso ea Moea o Halalelang o kenang pelōng ea hao. Ha u Mo lumela, u Mo amohela, u tlohile lefung ho kena Bophelong, ’me le fetoha babopuo ba bacha ka ho Kreste Jesu.

Se mphete, oho uena ’Moloki,

Joale emang ka maoto a lona.

. . . kea u rapela;

Ha U ntse u bitsa ba bang,

Se mphethe le ’na.

²³² Joale ke batla mohlankana e mocha eo le mosetsana e mocha eo, kea kholoa ke mohatsae, ea phahamisitseng letsoho la hae, ke batla u boele u phahamise letsoho la hao morao mono; mora, uena ea apereng bakana e khubelu, le mofumahatsana, ba reng ba amohetse Kreste e le ’Moloki oa bona. Mohlankana ea lutseng mona setulong sa bakuli, o amohetse Kreste e le ’Moloki oa hae, u utloile hoba Molimo o mo pholositse. Le ba bang ba phahamisitseng matsoho a lona, a phahamiseng hape e le hore batho ba tle ba shebe, ba kene le lona kopanong ea setsoalle.


²³³ Ba tsukutleng ka letsoho, motho ea haufi, ea emeng haufi le bona. E re, “Molimo a u hlohonolofatse. U amohetsoe ’musong oa Molimo, moena oa ka, khaitsemi ea ka.” Kopano ea setsoalle, ke seo re se batlang. Molimo a hlohonolofatse . . . Tsukutlang mohlankana enoa ea lutseng setulong sena ka letsoho. Morena a be le eëna. Ke hantle. Re u amohela setsoalleng sa kopano ea Moea o Halalelang.

²³⁴ Haeba u eso kolobetsoe le ka mohla, ’me u lakatsa ho kolobetsoa, nyoloha u tlohe ho ea bolella moruti. Letša le mona

le na le metsi, bosiu bona, ha u batla ho kolobetsoa. Tsohle li laotsoe. (Le na le kolobetso, le hona?...?) Empa letša le laotsoe, ho motho ea batlang ho kolobetsoa. Bible e itse, “Bakang, e mong le e mong oa lona, le kolobeletsoe ka Lebitso la Jesu Krete tsoarelong ea sebe sa lona, 'me le tla amohela neo ea Moea o Halalelang. Hobane pallo ena e etselitsoe lona le bana ba lona, le ba leng hole, ba' sa tlang ho bitsoa ke Morena Molimo oa rōna.”

²³⁵ Lea Mo rata? Phahamisang matsoho a lona. [Phutheho e re, “Amen.”—Mong.] Oh, na ha A babatsehe? Le e thabela joang Buka ena ea Baheberu? Le a E rata? [“Amen.”] Yaa. Ho a babatseha. Joale, Ke tokiso. Oh, E tiile ebile E otlolohile, empa re rata hoo. Re batla ho E fumana joalo. Ha re E batle ka mokhoa o sele.

²³⁶ Joale, ana le lumela Pauluse a na le boholo ba ho E rera ka mokhoa oo? Pauluse o itse, “Ekare ha Lengeloi le fihla le bolela evangeli e sele, le rohakoe.” Ho joalo? Ka baka leo re Mo rata ka pelō ea rōna eohle.

²³⁷ Joale ke tliil'o kopa molisa ho tla koano nakoana feela, moena oa rōna ea ratehang haholo, Moena Neville, 'me o na le polelo e eang ho lona. 'Me joale, ha Morena a ratile, re tla le bona Laboraro bosiu, re rale lihlophiso tsa ho etela Moena Graham Snelling bosiu ba phutheho. Le bakeng sa thero e tsoellang mona, ka khaolo ea 7 le ea 8, bosiu ba Laboraro lena le hlhlamang. Moena Neville. 

BUKA EA BAHEBERU

Melaetsa ena e leshome le motso o le mong ka Moena William Marrion Branham e reriloeng sethatong ka Senyesemane ho tloha ka Phato 21 ho haola ka Loetse 22, 1957, mane Tabernakele ea Branham, e Jeffersonville, Indiana, Amerika, e ntšitsoe mabanteng a likhatiso a makenete 'me e ngotsoe e sa khutsufatsoa ka Senyesemane. Phetolelo ena ea Sesotho sa Boroa e ngotsoe 'me e phatlalatsoa ke ba ha Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org